



सानसेयारि "बड'सा" श्रीरालाइयाव
अमाज्यादि जिउजो लोब्बा थावाय रायथाय, अन्थाय,
अल', अल'बाथा आरो हावबायादि थावनि, पार्क
बाइदिनि सायाव लिउरनाय लिउरिबां दैथाय ठर/
सानसेयारि "बड'सा" श्रीरालाइया सेबरानावै
फोसावगोन।
बड'सायाव लिउरनायनि हुवा खालाम,
"बड'सा" श्री नौथा, जो बयबो आंगो खालाम।
सानसेयारि बड'सा मावखुलि
माइबं नोगोर, जोहोलाव देमालु लामा
कक्राझार, बिटिसि-783370
Website: www.bodosanewspaper.com

BODOSA ★ A Bodo News Daily ★ Sunday ★ 17 December, 2023 Kokrajhar, BTC, Assam ★ Vol. - 33, Issue No. 261 ★ R.N.I.Regd.No.40994/91, Assam Govt.Regd.No.IPRD.40/2006/3, ★ Rs.8/-

8 थि आसाम हारिमायारि आबाद-हर्टिकाल्सार क्रप्स मेल

गावसुंथा आसाम सोर्जिनाय थंखिजों राइज्योनि आबादारि समाजआ बोसोराव
खेबनै एबा बेनिखुइ बांसिन आबाद मावनांगो: ड० हिमन्त बिश्व शर्मा

आबाद दिहन्थायखौ बांहेनायजों नख 'राव रांखास्थियारि जौगाखांनयनि सायाव गोनांथि होदों

दिसपुर, 16 डिसेम्बर:
आसामनि गिबि मन्थि ड०
हिमन्त बिश्व शर्मादिने
गुवाहाटीनि खानापायाव थानाय
आसाम जुनात फाहामथाय
बिगियान फरायसालिमा गेलेमु
फोथाराव आबाद बिफानआ
खुंनय 5 थि आसाम हारिमायारि
आबाद-हर्टिकाल्सार क्रप्स
मेलयाव गाहाइ आलासि महरै
बाहागो लाफेदों। गिबि मन्थिआ
दिने आसाम मन्दप, आसाम
आबाद मुलुगसोलोंसालिनि



मन्दप आरो हारिमायारि
पिभिलियन बेखेवनायजों
लोगोसे राइज्योनि आबादारिफोर
दिहन्थाय गुबुन गुबुन आबाद
दिहन्थाय फोरिनि
दिन्थिफुनायफोरखौ नायसडो।
दिनेनि बे हाबाफारियावने गिबि
मन्थिआ गासै 14 कौटि रां
बाहायनानै दरंगिरि थालिरनि
हाथायखौ फोजौखांनय
(□ 5 बिलाइआव)

फोसावथाय होयालासेनो आइन बेरेखायै बिटिसियाव फोरोंगिरि थिसन्नायनि अजद: बिटिसि गुदि टेट उथिसारनाय आफाद

कक्राझार, 16 डिसेम्बर:
सोलिफु डिसेम्बर दानाव
फोरोंगिरि थिसन्थायनि थाखाय
फोसावथाय होनायजों बिटिसि
टेट उथिसारनाय बिजाथिफोरखौ
फोरोंगिरि महरै थिसन्थायनि राहा
आजावना लायोव्ला गोखों
सोमावसारनाय जागोन आरो
आइन बेरेखा महरै थिसन जानाय
सा 427 फोरोंगिरिफोरनि हेंथायै
गोजौ बिजिसरसालिनि हेफाजाव
लानाय जागोन। -बेबायदि
बिबुंथिखौ बिटिसि गुदि टेट
उथिसारनाय आफादआ होदों।
मख'नो गोनांदि, दिने कक्राझार
प्रेस क्लाबयाव मोनसे खौरंगिरि



मेल खुंनानै आफादिनि
आफादगिरि दावहारु नाजरी आरो
बोसोनगिरि बिष्णु बरगयारिआ
बेबायदि हुमखि होनाय
बिबुंथिखौ होदों। मख'नो
गोनांदि, बिटिसिनि गाहाइ
मावफुं सोद्रोमा प्रमद बर'आ
(□ 5 बिलाइआव)

कक्राझारनि सान्तिनगराव बिपिएफ दोलोनि जयनिं हाबाफारि

बिपिएफनि बिजाथिनो फेगौ फेबुवारी दानाव दोलोयारि टिकेट गथायगोन: हाग्रामा महिलारी

कक्राझार, 16 डिसेम्बर: गुबैये
प्रमद बर'नि गोरोन्थिनि
थाखायनो बिजेपियावबो ख'हा
जानाया जागयजेनबाय। -
बेबायदि बिबुंथिखौ बिपिएफ
दोलोनि आफादगिरि आरो
बिटिसिनि बारा' गाहाइ मावफुं
सोद्रोमा हाग्रामा महिलारीआ
होदों। मख'नो गोनांदि, जेसेबां
फेगौ लकसभा बिसायख'थिनि
साना सुंद' जाबोदों एसेबांनो
बड'लेन्डयाव राजखान्थियारि
थासारिया दुंहाव जानो लादों।
खुंथायाव थानाय दोलो
इउपिएलआव जेव्ला दिने
हाबनाय हाबाफारि खुंजादोंव्ला,



बेबायदिनो हाग्रामा महिलारीनि
दैनैनाय बिपिएफ दोलोआबो
जिरायना थायाखै। बेनिनो
बिदिन्थि महरै दिने बड'लेन्डनि
गाहाइ थावनि कक्राझार सहरनि
3 नं. वार्ड सान्तिनगराव
(□ 5 बिलाइआव)

गुवाहाटी हाइ कर्ट बार एससिएसननि हिराथि माइथाय फोर्बो फालिदों

सुबुंफोरनि सैथो आइनआरि बिसार होनायाव गुवाहाटी हाइ कर्ट
बार एससिएसनआ गोखोडै: गसंथाबोदों: राइज्यो बेंगिरि

गुवाहाटी, 16 डिसेम्बर:
गुवाहाटी हाइ कर्ट बार
एससिएसननि हिराथि माइथाय
फोर्बो फालिथाइखौ दिने
सानसेनि मेहेरगोनां हाबाफारिजों
गुवाहाटी हाइ कर्ट (गोजाम
केम्पास) नि सिडव फालिनाय
जायो। बे हिराथि माइथाय फोर्बो
फालिनायाव गाहाइ आलासि
महरै आसामनि राइज्यो बेंगिरि
गुलाब चान्द काटारियाआ
बाहागो लादों। हाबाफारियाव
गावनि बिबुंथिनि गेजेरजों
राइज्यो बेंगिरि काटारियाआ



फोरमायदोंदि, गुवाहाटी हाइ कर्ट
बार एससिएसनआ सैथो आरो
थार बिजिननाय होनायनि
बिथिडव गोखोडै: गसंथाबोदों।
(□ 5 बिलाइआव)

बे गौथुमआ रोंगंथि गोनां
बिजिरगिरिफोरखौ ल'
सोरजियाखै। बेनि अनगायैबो
राइज्योनि सुबुंफोरनो थार
बिजिननाय होनायनि बिथिडव
मैखोमै बिहोमो होबोदों।
गुवाहाटी हाइ कर्ट बार
एससिएसननि होनाय
सिबिथाइयाव समाजनि गेजेराव
आइन आरो आबु'थिखौ
सामलायनायनि बेलायावबो
मोनसे गाहाइ बिफाव लाबोदों।
बे गौथुमआ गावआरि मोन्थायनि
(□ 5 बिलाइआव)

काग्राबारि दख 'रा एबसुनि 41थि थान्दै जखन्थाइआ खुंजाबाय

गोग्गो सोलेंथाइ लानायनि गेजेरजोंसो बर' हारिखौ जौगाहोनो हागोन: दिपेन बर'

उदालगुरि, 16 डिसेम्बर:
सिगां बोसोरफोरव खुंनोनाय
बायदिनो देलायबो गुबुन गुबुन
जिल्लानि सिडव थानाय
एबसुनि दख 'रा आफादफोरा
बोसोरारि जखन्थाइखौ बायदि
बायदि हाबाफारिनि गेजेरजों
खुंगासिनो थानायखौ नुनो

मोन्दों। गुबुन दख 'रा
आफादफोरजों लोगोसे
उदालगुरि जिल्लानि सिडव
थानाय काग्राबारि दख 'रा
दुलाराय बर' फरायसा
आफादआबो सानसेनि
हाबाफारिजों दिने दख 'रा
आफादिनि 41थि थान्दै



जखन्थाइखौ मेहेरगोनाडै
खुंफुनाय जायो। उदालगुरि
जिल्लानि काग्राबारि दख 'रानि
सिडव थानाय दैमाजिनि
जावरिखां फोथाराव खुंनय बे
41थि थान्दै जखन्थाइनि
फुंबिलिनि हाबाफारि बायदिदै
(□ 5 बिलाइआव)

आसामनि गिबि मन्थि शर्माया उल्फाजों
गोजोन गोरोबथा खालामनो थंखि फोसावदों



गुवाहाटी, 16 डिसेम्बर: आसामनि गिबि मन्थि हिमन्त बिश्व
शर्माया शुक्रबारखालि बुंदोंदि, होबथाजानाय उतखारि आफाद
उल्फानि जानानै सावरयग्रा हान्जाजों गोजोन गोरोबथाखौ जोबथा
महर होनो सिगांनय जादों आरो (□ 5 बिलाइआव)

पाटगाव दख 'रा दुलाराय बर' फरायसा आफादिनि
खुंगा 41थि थान्दै जखन्थाइखौ खुंबाय

बिटिआर गोरोबथाखौ जाफुंसार होनायनि थाखाय दुलाराय बर' फरायसा
आफादआ गोखों बिफाव लागासिनो दड: खोरमदाव औवारी



कक्राझार, 16 डिसेम्बर:
कक्राझार जिल्लानि सिडव
थानाय आमिनपारा गुदि
फरायसालिनि गेलेग्रा फोथाराव
दिने 16 डिसेम्बर, 2023 इं
अक्टखालि सानसेनि मेहेरगोनां
हाबाफारि लानायनि गेजेरजों
पाटगाव दख 'रा दुलाराय बर'
फरायसा आफादआ खुंगा 41थि
(□ 5 बिलाइआव)

गवर्धनायाव बिपिएफनि आइजो दालाइनि बान्जायनायाव सांग्रांथियारि हाबाफारि खुंदों

इउपिएल दोलोनि मिरु, जिल्ला थाखोनि गासै सा 64 सोद्रोमाफोरा बिपिएफआव हाबफैबाय

सालबारि, 16 डिसेम्बर: लकसभा बिसायख'थिखौ लानानै फारिये
राजखान्थियारि दोलोफोरनि सांग्रांथि जानाया बांसिन जादों। बेनि
गेजेरावने बिटिआरनि राजखान्थियाव बिपिएफ दोलोनि सांग्रां
जानायखौ नुनो मोन्दों। बिटिआरआव हाग्रामा महिलारी दैदेनाय
बिपिएफ दोलोआ गोहो खुंथायनिफ्राय जानगाराव थानायनि उनाव
गोहो गैयै जादोंमोनब्लाबो बावैसोयाव फेगौ लकसभा



बिसायख'थिखौ लानानै बिटिसिनि बारा' गाहाइ मावफुं सोद्रोमा
हाग्रामा महिलारीजों लोगोसे बिपिएफ दोलोआ आथिखालाव
खुंथायाव थानाय दोलो बिजेपि आरो इउपिएल दोलोनि माखासे
गोजौ थाखोनि दैदेनगिरिफोर बिपिएफ दोलोयाव हाबनायनि उनाव
दिने फिन बिपिएफ दोलोनि फारसे मोजां मोन्नाइ इउपिएल
दोलोनि गुबुन गुबुन बिबानाव (□ 5 बिलाइआव)

डिमा हासाउ काउन्सिल बिसायख'थिनि थाखाय बिजेपिआ रादाय बिलाइ फोसावबाय



डिमा हासाउ, 16 डिसेम्बर:
डिमा हासाउ जिल्लानि सिडव
थानाय नर्थ काछार हिल्स
अट'नमास काउन्सिलनि

लोगोसे गुबुन गुबुन राजखान्थि
दोलोफोरबो गोखोडै साखा-
फारा जादों आरो
बिसायख'थियारि मेल खुंबाय
थानायखौ नुनो मोन्नाय जादों।
बिसायख'थिनि समा खाथियाव
सौफेनाय हिसाबै बिजेपि
दोलोआ दिने बिसायख'थिनि
रादाय बिलाइखौ फोसावबाय।
डिमा हासाउ जिल्ला बिजेपिनि
आफादगिरि धनपाइनाव
वउसेनआ मोनसे खौरंगिरि मेल
(□ 5 बिलाइआव)

गसाइगावयाव दवा मेहपिलयाव हाबाफारि खुंदों

बिटिसिनि खुंथायाव फेफिनोव्ला इस्लाम धोरोमारि राइजोफोरनि
संबिजिरारि मोन्थाया रैखाथि जागोन: हाग्रामा महिलारी

गसाइगाव, 16 डिसेम्बर:
"बिटिसि ओन्सोलायाव गुबुन
गुबुन हारि-हारिसाफोरा जिउ
खंबोदों। बिपिएफ दोलो महरै
बिटिसियाव गोजोन-खौसेथि-
जुथाय आरो जौगाथायनि



थाखाय जों खामानि मावबोदों।
मुमलमान समाजआ बिपिएफ
दोलोनि आदर्श
नेमखान्थिफोरखौ जेब्लायबो
आजावनानै लायो। बिटिसिनि
खुंथायाव जों फिन फेफिनोव्ला
इस्लाम धोरोमारि राइजोफोरनि
(□ 5 बिलाइआव)

संबिजिरारि मोन्थाया रैखाथि
जागोन आरो सुबुं महरै
जिउखाना थानायनि
राजखान्थियारि मोन्थायखौ थि
खालामनाय जागोन। जों हानि
पाट्टु गथायनायखौ गाहाय थंखि
(□ 5 बिलाइआव)

सुजुगिरिनि खोलोम

नाजानाय थायोब्ला जाफुनाया फैखागोन

हाबा मावनानै फिथाइ मोन्यानि गोजोन्नाया सासे सुबुंनो आलादा रोखोमनि मोनसे गोजोन्नाय होफेयो। बे गोजोन्नायाव गोसोनि बोलो थुलुंगाखांनाय आरो मावनो गोसो जानाया बांसिनो। गोसोआव बिब्दि थुलुंगानाय फेयोब्ला हाबा मावनायनि दाहारा सोलिबाय थानायनि लामा मोनो आरो थानानै थानायाव मदत फेनायखौ जौ नुनो मोनो। जेसेनो मावनयाव नांथाबगोन, एसेनो जाफुंसारनायनि फिथाइखौबो मोनो हागोन। मावनायनि गेजेरजौसो सासे सुबुंनि जाफुंसारखौ नुनो मोनगोन। गावनि थाखाय मावनयावजौ लोगोसे बे मावनया गुबुननि थाखायबो थुलुंगाखां आदर्श महरनि जानांगोन। जाहाथे गुबुनफोरबो बेखौ सोलौनानै गावजौ लोगोसे गुबुननि, ओन्सोलनि, राइज्योनि, हादतनि आरो सुबुं महारनि थाखाय जौगाथाइ लाबोनायाव मदत मोनो हायो। हाबा मावनया आरो जौगाथायनि थाखाय खाबुजौ लोगोसे थासारिनिबो गोनांथि जायो। हाबा मावनया एबा हाबा गैयाब्ला मावग्राया हाबा नागिरानै गुबुन जायगा एबा राइज्योफोरव हाबा एबा खामानि नागिरानै थोंगोन, थानानै थानायनि लामा दिहुनो एबा रांखावरि बुथुमनानै लायनो। बेराफारसे ओन्सोलनि थासारिया हाबा सोरिनाय आरो मावनायनि गनायथाव नडब्ला बिब्दि थासारियाव खामानि मोन्यायाव गोब्राब जानाय नुनो मोनो। बिब्दि थासारिनि थाखायनो जौनि खामानि गैयायै लाइमोनफोरा थानानै थानायनि लामा दिहुनो गुबुन राइज्योफोरव थानानै खामानि नागिरानै हानायखौ जौ नुनो मोनोमोन। खामानि नागिरानै थानायाव-फेनायाव जौनि लाइमोनफोरा बायदिसिना इनाइ-उतखारि जाथाय खालाम जानायबो खोमानो मोन्याय जाबोदो। खायफाया खामानि नागिरानै जिउ गोमानायनि खौरांबो मोन्याय जाबोदो माखासे समाव। थारैनो गावनि नखर खुनो थाखाय जौनि लाइमोन हान्जानि खायसेया नाजानायनि गेजेरजौ जाफुंसारनाय मोन्यायनिबो खौरां नुनो मोन्याय जायो। बे जाफुंसारनाया गावनि नाजानायनि गेजेरजौसो मोनो हानाय। बेखायनो नाजानाय थायोब्ला जाफुंनायखौबो मोनो हायो। मोनसे समाव गुबुले थासारि, जेरबो-जेरावबो उन गोम्लैसोनानै थानाय जौनि हालामाव गोजोन थासारि सौफेनायजौ लोगोसे जौगाथायनि दाहार फेनाय नुजादोसै। थामथि बर' गोजोन गोरोबथा रदायनि उननिफ्राय जौनि हालामाव गोजोन थासारिजौ समावनेनो जौगाथायनि दाहारखौ सोलिबाय थानाय नुनो मोनो। मोनसे समाव दुहाव थासारिनि थाखाय थालाय-फेलाय, मावनया-दांनय, हाथाइ-बाजार, जेरबो-जेरावबो गिनांगौ जानाय बायदि आथिखाल बे थसारिया गैलिया। सुबुंफोरा गोसो-खुसियै गिनाडा जासे मावनो-दांनो, थालाय-फेलाय खालामनो हानाय जाबय। खुंथायारि जौगालु बिथांथि, सुबुं अन्साइ खामानिफोरनि फारसे जौगाथाय लाबोनायनि लामा फेनायखौ नंखाय होन्नानै बुंनो हाया। गोजोन थासारि आरो जौगाथायनि दाहार फेनायखौ नेवसिगारनो हाया। थानाय बोसोरथामनि गेजेराव गोदान खुंथायनि सामलायनायाव बिटिआर हालामाव गोजोन थासारि फेनायखौ जौ बयबो नुनो मोन्दो। गोजोन फेनायखायनो आथिखाल समाव जायगानि-बाइजोनि सुबुंफोरा जेना गैयालासे बेफार-फालांगि खालामनो हानाय जादो। बोसोरथाम आबुं खुंथाय सामलायनाय इउपिपिएल-बिजेपि-जिएसपि जुथाय सरकार थानाय 10 डिसेम्बरनिफ्राय 15 डिसेम्बरसिम बोसोरथाम आबुं जानायनि फोर्बो फालिनाय जादो। बोसोरथाम आबुं जानाय खुंथाय समाव गोजोन आरो जौगाथायनि दाहारखौ उननि समावबो अरायथायै लाखिलानो खावलायदो खुंथाय हान्जानिफ्राय।

आइजो रिजार्भसन बिलआ 2024 नि सुबुं सुमिरनिनि उनाव गोहोम गोनां जागोन: मन्थि सितारमन

मंगलुरु, 16 डिसेम्बर: मिरुनि रांखान्थि मन्थि निर्मला सितारमनआ बुंदोदि, मिरुआ 2024 नि सुबुं सुमिरनि (सेन्सास) खालामनायनि उनाव आइजो रिजार्भसन बिलखौ गोहोम गोनां खालामनायनि थाखाय थांथि आजावनाय जागोन। शुक्रबारखालि खोला कन्नड़ जिल्लानि मुदबिडिआव रानि आब्बाकानि मुडव मोनसे गोसोखां डाक टिकेट फोसावनायनि उनाव मन्थि सितारमनआ बुंदोदि, आइजो रिजार्भसन बिलआ मोगथां महर मोनबाय। मानोना गाहाइ मन्थि



नरेन्द्र मदिआ जेब्लायबो हादतखौ दानायव आइजोफोरनि बिफाव थानायखौ फोरमायो। आखुखौ बाखायनानै मिरुनि

मन्थिया बुंदोदि, मिरु सरकार गोबां फारिलाइयाव दैखांजायै उदांसि सान्थिफोरनि बिहोमा होनायखौ लेखा बिलाइयाव सेबखानायनि थाखाय थांथि आजावदो। जायफोरा राजा फोलेरनि गोहोनि हेंथायै गोखौ दावहा नांदोमोन। सिगां फारसे मन्थिया बुंवावोदि, उदांसिनि अमृत महाउत्सवनि बाहागोयारि महरै सरकारा 14,500 सल 'फोरजौ लोगोसे मोनसे डिजिटेल जिल्ला बाखि थियारि खालामदो, जेराव उदांसि दावहाजौ लोब्बा थानाय जायगाफोरव नोजोर होनाय

जादो। मिरुनि हारिमुयारि मावख 'या उदांसिनि जांथिखानायाव आइजोफोरनि बिहोमा होनाय संबिजियारि जथुम्मायाव आइजोफोर आरो उदांसि दावहानि आदिबासि दैदेनगिरिफोरनि सायाव गांथाम बिजाव सेबखानायनि थाखाय 'अमर चित्र कथा'जौबो रदाय खालामदो। मिरुनि रांखान्थि मन्थिया आसा खालामदोदि, बेरिमायारि कर्नाटकआव रानि आब्बाकानि मुडाव गंसे

सैनिक स्कुल खुलिनाय जागोन। बिथाडा गोसोखां पस्ट टिकेटआव बाहायनाय रानि आब्बाकानि सावगारि एरखांना होनायनि थाखाय आर्टिस्ट बासुदेब कामतनो हामब्लाइथि बाउदो। पस्ट टिकेट बेखेवनाय हाबाफारियाव श्रीक्षेत्र धर्मस्थलनि धोरामारि बिबानगिरि भिरेन्द्र हेगड़े आरो गाहाइ पस्ट मास्टर जेनेरेल (कर्नाटक सार्कल) एस राजेनदिरि कुमारआबो बाहागो लादोमोन।

रसियाआ फिन कियेभआव बमाजौ गोमखां होदो



कियेभ, 16 डिसेम्बर: माखासे सान रेहायनि हां बोनायनि उनाव फिन खेबसेबाव इउक्रेननि राजथावनि कियेभआव मिसाइलनि सोदोबजौ गोमखांदो। शनिबारनि अखानायसि समाव रसियानि अखां सान्थिआ कियेभआव इउनजौ गोखौ बम बेरफुहोदो। बेराफारसै इउक्रेनआ फिनजाथाय होनानै गोबां इनखौ गावखलायनो हादो। सुलुंनि बादिब्ला, कियेभजौ बोहेलांनय निप्र दैमानि फारसैबो मारुआव बमा बेरफुनायनि खौरां मोन्याय जादो। अदेबानि बे गाग्लोबनायाव रवनिबो जिउ खहा, जोखोम आरो सम्पति खहा जानायनि खौरां सौफेयाखै। कियेभनि मेयर भिठाली क्लिंटस्कआ बुंदो, सहरनि साजौ इन थानाय नुनाय लोगो लोगोनो गावसिनि उरां होबथाया हान्जाया सांग्राडै हाबाफारि जागायो आरो इनखौ माखासे गावखलायनो हायो। रसिया सान्थिआ सेन्ट्रेल कियेभनि खाथि-खालानि ओन्सोलफोरखौ थांथि खालामदो। भिठाली क्लिंटस्कआ बुंवावदो, निप्रनि सान्जा बोरिमा डानित्स्की जिल्लायाव गोखौ बमा बेरफुनायनि सोदोब खोनानो मोन्दो आरो पडिलआव बमा बेरफुदो। रसियाआ हर गेजेरनि उनाव बमाखौ होदो। सेन्ट्रेल कियेभआव 45 मिनिटसिम बमा बेरफुनायनि सोदोब खोनानो मोन्दो। नुग्रा सुबुंफोरनि मिथिहोनाय बादिब्ला, गाग्लोबनायनि उनाव सहरआव सायरेन गाबदो। बेराफारसै निप्र दैमानि सोनाब बोरिमायाव पुलिसआ लाउडस्पीकारनि गेजेरजौ उरां जाहाजजौ गाग्लोबनायनि बागै सुबुंफोरनो सांग्राथि होदो।

नएडा गेजेर हायुंआरि बिरखं गाथोनआ फैगौ फेब्रुवारीयाव बेखेव जासिगोन



गोदान दिल्ली, 16 डिसेम्बर: उत्तर प्रदेश (इ.उ.पि.) आरो खाथि-खालानि नोगोरफोरनि थागिबिफोरनि थाखाय मोनसे मोजां खौरां। मानोना एसियायनि बयनिखुइबो देरसिन बिरखं गाथोन नएडा गेजेर हायुंआरि बिरखं गाथोन, जायखौ यु.पि.आव लुनाय जादो। जुथाय क अरर्डिनेसन कमिटि (जे.सि.सि.) नि 5थि जथुमाव बाथाखौ बुंनय जादोमोनदि,

जुथाय क अरर्डिनेसन कमिटिनि 5थि जथुमा खुंफुनाय जादोमोन। मिरुआरि एजेन्सिफोरनि थादोफोरबो बे मेलाव बाहागो लादोमोन। सावराय मेलाव दुर्गा शंकर मिश्राया बुंदोमोनदि, बिरखं गाथोन लुनायनि खामानिया थि समावनो आबुं जागोन होन्ना मिजिंथिदो। सरकारआ बे गोनांथार मावथांथिखौ थि समावनो फोजोबनो थाखाय आखायाव लादो। बे सावराय मेलाव बिरखं गाथोन लुनायजौ सोमोन्दो थानाय मावख 'गिरिफोरा दावगानायनि फोरमायथि होदोमोन। ज्युरिख गेजेर हायुंआरि बिरखं गाथोन ए.जि. आरो यमुना हादर गेजेरारि बिरखं गाथोन प्राइभेट लिमिटेड नि मावख 'गिरिफोरा' नि बायदिब्ला, लुनाय खामानियाव बाहाय जानाय जुन्थियारिफोर आरो मावथांथिखायव खामानि मावग्रा मावसुमाफोरखौबो बांहोनाय जादो। बे लुनाय खामानिखौ थि समाव फोजोबनो हागोन।

फेब्रुवारिआव बिधान सभानि जथुम्मायाव राइज्यो सरकारआ गोबां आइजो जुलि लानायखौ होबथानायनि बिल लाबोगोन



गुवाहाटी, 16 डिसेम्बर: आसामनि गिबि मन्थि उ हिमन्त बिश्व शर्माआ बुंदोदि, फेब्रुवारि दानआव जानो गोनां बिधान सभानि जानो गोनां जथुम्मायाव गोबां जुलि लानायखौ होबथानायनि थाखाय लाबोनाय बिलखौ दिन्थिगोन। फेगौ बोसोरनि 4 फेब्रुवारिनिफ्राय बिधान सभा जथुम्माया जागायगोन। बेयावनो गोबां जुलि लानायनि सायाव बिल लाबोगोन। राइज्योआव लाभ जिहादखौ होबथानायनि थाखाय बिलआव मोनसे सेक्सन एबा दफाबो थिसनफानाय जागोन होन्नानै बिथाडा फोरमायदो। मख 'जाथावदि, बिलखौ गुबुन गुबुन फसंथानफोरजौ गोबाव दान सावरायनाय, बोसोन लानायनि उनाव थियारि खालामनाय जादो। सरकारआ थानाय 21 आगस्टआव मोनसे नटिस फोसावनानै सासेनि बांसिन हिन्जाव जुलि लानायखौ होबथानो थाखाय नोगोरारिफोरनि राय बिदोमोन। नटिसआव सुबुंफोरनिफ्राय 30 आगस्टसिमआव इमेल एबा पस्टनि जोहै गाव-गावनि रायखौ फोरमायहरनो खावलायनाय जादोमोन। सरकारनो मोनसे पाब्लिक नटिसनि फिन्नायाव गुबुन गुबुन फसंथानफोर आरो सुबुंफोरनिफ्राय मोन 149 राय मोनो हादोमोन। बेनि अनगायै राइज्योआव बेबादि आइन बानायनायनि थाखाय लेजिसलेटिभ केपासिडिखौ नायबिजिनो थाखाय सरकारआ मोनसे जर 'खा समिटिबो दादोमोन। समिटिआ गोबां सुबुंफोर आरो आफादफोरजौ सावरायनायनि उनाव गिबि मन्थिनो गावसिनि रिपर्टखौ गथायो। समिटिआ रिपर्टआव रोखायै बुंदोदि, लेजिसलेसारआ बेबादि आइन बाहायनो हायो।

येमेनआ रेड सि लैथोआव गाग्लोबनायनि उनाव इउ.एस.आ इज्राइलनि खाथियाव बिरखं जाहाजखौ दैथाय हरदो

जेरुजालेम, 16 डिसेम्बर: येमेनआ गाजा स्ट्रिपआव इज्राइलनि गाग्लोबनायनि बेरेखायै ओंखारबोदो आरो दावहानि गोहोमखौ बांहोदो। रेड सि लैथोआव आमेरिका आरो फ्रान्सजौ लोगोसे गुबुन हादरफोरनि दावहानि जाहाजफोराव येमेननि गाग्लोबनाया इज्राइल-हामास दावहानि दिगखौ सोलायबाय। रेड सि लैथोनिफ्राय भुमध्यसागर लैथोसिम दावहानि दावराव-दावसि जानो थांगासिनो दड। रेड सि लैथोआव येमेननि बिग्रायारिफोरनि गाग्लोबनायनि उनाव आमेरिकाया मोनसे गिदिर थांथि लादो। आमेरिकाया दा भुमध्यसागरआव गावनि बिरखं जाहाजखौ थिसनो बिथोन होदो। बे बिरखं जाहाजआनो गोबाव समसिम भुमगेजेर लैथोआव इज्राइलखौ रैखाथि होगोन। आमेरिकानि रैखाथि नेहाथारि लयड आस्टिनआ इउएसएस जेराल्ड आर फर्ड बिरखं जाहाज आरो गुबुन मोनसे दावहानि



जाहाजखौ येमेननि गाग्लोबनायनि फिन्नाय होनो आरो इज्राइलखौ रैखा खालामनो गावनि समायखिराखौ आबुं खालामनो थाखाय गोबां सप्ताहसिम भुमध्य लैथोआव थानो बिथोन होदो। आमेरिकानि मावख 'गिरिफोरा' बे फोरमायथिखौ होदोमोन। बेयो 5थि खेब जागोन जेब्बा फर्डनि थिसन्याय समखौ बारायनाय जादोमोन मानोना थांथि दासिमबो रायजोआरि जायाखै। बे समावनो फर्डनि दावहा हान्जानि गुबुन जाहाजफोरखौ थिसन्याय आमेरिकाया गावसोरनि गैने बिरखं जाहाजखौ भुमध्य सागरआव दैथायहरदो। गोबां इउ.एस. मावख 'गिरिफोरा' मुं दोनो गोसो जानायाव रोखा खालामदोमोनदि, फ 'ड' आरो इउएसएस नरमैन्डी क्जारनि थाखाय बे सप्ताहयाव गनायथि होजानाय थिसन्याय समखौ बारायनाय जादोमोन मानोना थांथि दासिमबो रायजोआरि जायाखै। बे समावनो फर्डनि दावहा हान्जानि गुबुन जाहाजफोरखौ थिसन्याय सिगांनिफ्रायनो बांबायमोन। इरानखौ ओनसोलारि दाडाबाजियाव दावहाखौ बांहोनायनिफ्राय होबथानो थाखाय 7 अक्टबरनि हामास गाग्लोबनायनि उनाव पेन्टागना बे ओनसोलाव गावनि रौनिया हान्जानि सान्थिफोरखौ बांहोदोमोन। बिनि उननि समफोराव, इराक आरो सीरियाआव इरानजौ मदद होजानाय उदखारिफोरा बैयाव इउ.एस. रौनिया फसंथानफोराव रकेट, इन आरो मिसाइलफोरजौ गाग्लोबनो थाखाय मोनसे फोसावनाय जागायदोमोन।

दिनैनि फान्जामुथि

राशि बाइदियै मुनि गिबि हांखो
मेघ: अल बुध: ऊब (उ ए इ) मिथुन: क छ (ड घ)
कर्कट: ड ह सिंह: म ट कन्या: प ठ (ण ष)
तुला: त र वृश्चिक: ब न धनु: ध भ (ङ फ)
मकर: ख ज कुम्भ: ग श (स) मीन: द च (ख ज झ)

मेघ: जेखि जाया आन्जादनि रिजाल्थखौ जाफुनाय-जाफुडेखौ नेनानै थानांगोन। गोसोखौ हमथा।
बृष: देहा-सावसिआ मोजाडै थानाय नड। गोसोखौ शान्ति गैयै मोनगोन।
मिथुन: माखौबा लानानै गिखांनाय मोनो हागौ। गोसोखौ लोरखां लानो नाड।
कर्कट: जेखि मावा धोन आरजिनानै लानो हागोन। जेरबो मुलाम्फा जागोन। मोजां सम।
सिंह: बबेबा गोजान जायगायाव दावबाय हैनो मोनो हागौ। गोसोखौ गोजोन मोनगोन।
कन्या: मोजां मोनलायनायनि गेजेराव अनलायनाया बांगोन। गोजोनै सम बारहोनो हागोन।
तुला: मोजां खामानि मावनानै गोसोखौ बोनो हागोन। फारफोरमबो मोजां। गोजोन मोनगोन।
वृश्चिक: माबाफोर जेना-जेंसिआव गोम्लैबायनो हागौ। जेरबो सांग्रां जानांगोन।
धनु: गोबाव समनिफ्राय नाजाबोनाय थांथिआ जाफुंसारगोन। गोसोखौ गोजोन मोनगोन।
मकर: जेखियानो मावा फालांगियाव रांखावरि मुलाम्फा मोनो हागोन। मोजां सम।
कुम्भ: जेखि जाया समावनो हेंथा मोनो हागौ। सान्नाय-हनाया जाफुंनाय नड।
मीन: सोलौंथायाव गियानआ बांलांगोन। फरायगिरिनि थाखाय गाहाम सान। गोजोन मोनो हागोन।

गाहाड़ मन्थि मदिनि दाबि दैखांनाया नंगुबै फोरमान जासिगोन

गोदान दिल्ली, 16 दिसम्बर: भारतीय रंखांन्थि रहाखौ लानानै गाहाड़ मन्थि नरेन्द्र मदिनि दाबि दैखांनाया नंगुबै जासिगोन। फैगौ नै बोसोराव भारतीय रंखांन्थि राहानि साइजआ 5,000 आरब डलारसिम सौहैगोन। निती आयगनि बारा' लेडइ आफादगिरि अरभिनद पनगडियाआ बे बाश्राखौ बुंदों। बियो बुंदोंदि, भारतआ 2026 सिमआव मुलुगनि 3 थि बयनिखुइ देरसिन रंखांन्थि राहा गोना हादर जागोन आरो बेनि जिडिपिआ बै बोसोराव 5,000 आरब आमेरिकन डलारसिम सौहैगोन। बियो बुंदोंदि, इयुनआव 2027 आब रंखांन्थि राहानि अन्जिमाया 5,500 आरब डलारसिम बांसिन जागोन। बियो 18 थि सिडि देशमुख स्मृति



हाबाफारिआव बुंदों, बेयो जाथावना नडदि, जार्मानी एबा जापाननि जिडिपिआ फेनो गोनां 3 बोसोराव 5,000 आरब डलारसिम थाखोखौ बारगोन। बियो खोमानानै लानाय गौरबखौ गोदानै मोनफिनो आरो मुलुगनां रंखांन्थि राहानि गोजाम सरासन्सा थाखोआव

फैफिन्यायनि गोजू थाखोनि गावनि बिबुंधियाव बुंदों, जापानआ 2022 नि 4,200 आरब आमेरिका डलारनि थाखोनिफ्राय 2027 आब 5,030 आरब आमेरिकन डलारसिमआव सौहैहोनो थाखाय 3-5 जौखोन्दोनि रेटजों आवगायनांगोन। बियो बुंवावदों, 4 जौखोन्दोनि रेटजों

लोगोसे जार्मानीनि जिडिपिआ 2023 आब 4,400 आरब आमेरिकन डलारनिफ्राय बांनानै 2026 आब 4,900 आरब आमेरिकन डलार आरो 2027 आब 5,100 आरब आमेरिकन डलार जाहैगोन। बे हमदानायफोरखौ नोजोर होनानै भारतीय जिडिपिआ बेसेबां थाबैनो बे मोननैबो हादरनि जिडिपिआ बारो हागोन बेबो सौंथि सिखांदों। भारतआ बे समाव डलारनि रुजुनायाव 10.22 जौखोन्दोनि बोसोरारि एभारेज रेटजों आवगायदों। बे रेटआव भारतनि जिडिपिआ 2026 आब 5,000 आरब आमेरिकन डलार आरो 2027 आब 5,500 आमेरिकन डलारसिम सौहैगोन।

संसद भवनआव हाबहैनायनि मास्टर माइनआ मोन्थाम प्लेन बानायदोंमोन

गोदान दिल्ली, 16 दिसम्बर : संसदनि रैखाथियाव फेलें खालामनाय केसआव हमजानाय दायनिगिरिया पुलिसनि सिगाडव गोबां गिदिर बाश्रा फोरमायदों। सुलुंनिफ्राय मिबथिनो मोन्नाय बायदिल्ला, दायनिगिरिआव दासिमबो जेरा सेबनाया सोलिगासिनो दड। जेरा सेबनायाव बे गासै यजनानि मास्टर माइनआ ललितनिमोन होना मिबथिनो मोन्दों आरो बियो संसदनि रैखाथिखौ सिमफायनायनि थाखाय मोन्थाम प्लेन बानायदोंमोन। बे प्लेननि गेजेरजों संसदनि बायजोआव धनां होनाया बेनिनो बाहागोमोन। ललित झाआ गावनि लोगोफोरजों ओरैबायदि हाबा मावनो नागिरदोंमोन, जायजों हादतआव



मोनसे गिदिर मेसेस होनो हायो। सुलुंनि बायदिल्ला 13 दिसम्बरआव जाय सुबुंफोरा संसद भवननि लांगोना आरो लकसभायाव हाबहैदोंमोन बिसोरनाव गासै गं 7 स्मग केन दडमोन। मास्टर माइन ललित झाआ गावनि लोगो एबा गासैबो दायनिगिरिफोरखौ बुंखादोंमोनदि, जुदि गिदिर मेसेस होनांगोब्ला संसदनि लांगोनायाव धनां होनायजों लोगोसे संसदनि सिडवबो हाबहैनांगोन। पुलिसनि जेरा सेबनायाव मिबथिनो मोनबावदोंदि, संसदआव

हाबनायनिफ्राय लानानै माखासे जर'खा खौरांफोरखौ गुगोलआव सार्ज खालामनानै बिसोरो जुथाइदोंमोन। दायनिगिरिफोरा संसदनि रैखाथिजों लोब्बा थानाय गोजाम भिडिअफोरखौबो नायखादोंमोन। लोगोसेनो गावसोरनि सावरयनाय बाश्राखौ गुबुना मिबथिनो हायैनि थाखाय बिसोरो सिगनेल एपआवल' बाश्रा रायज्जायोमोन, जाहाथे गावसोर पुलिसनि नोजोराव गोरलैया। दासिमनि जेरा सेबनायाव बिथा खालामनानै बिसोर सुबुंफोरखौ सेल्फ

रेडिकलाइज बायदि मोन्दोंथिदों। नायबिजिरनायाव सोराडाव फेदोंदि, बिसोरो सशोल मिडियानि गेजेरजों माखासे गुबुन लाइमोनफोरखौबो गावसोरजों लोगोआव लाफादोंमोन। बे जाथायनि आन्दोआव गुबुन सोरनिबा आखाय दडनामा बेखौबो पुलिसआ गोखोडे संदानगासिनो दड। अदेबानि ललित झाआ जेरा सेबनायाव फोरमायनाय बायदिल्ला, संसदनि रैखाथिखौ सिमफायनायनि सदन सिडव हाबनायनि गावसोरनि थांखिया दुंहाव थासादि गोसारहोनायमोन।

प्रि प्राइमारि थाखोनि थाखाय सरकारि फरायसालिफोरनो 2 लाख मदत हरगोन

गोदान दिल्ली, 16 दिसम्बर : सरकारि फरायसालिफोरआव प्रि प्राइमारि एबा फरायग्लानाय थाखोफोरजों सरजाबनायनि हाबाफारिया गोखोसिन जासिगोन। सोल्लोंथाइ मावख'नि गासैबो सोल्लोंथाइ स्किमनि गेजेरजों बेफोर थाखोखौ जागायनो गोनां फरायसालिफोरनो 2 लाखसिम रंखांन्थियायि मदत हरनायनि बिथांखि लाबोनाय जादों। फारसेथि आंगनबाड़ि मिरुफोरनोबो प्रि प्राइमारि थाखोफोरखौ



जागायनायाव गंफ्रोमबो फरायसालिफोरनो 1 लाख रंसिम मदत हरनाय जागोन। अदेबानि आंगनबाड़ि मिरुफोरनो बे मदतखौ 5 बोसोराव खेबसे हरनाय जागोन। फारसेथि सरकारि फरायसालिफोरनो बे मदतखौ फरायसाफोरनि अन्जिमाखौ बिथा खालामना बोसोरफ्रोमबो हरनाय जागोन। बेयो साफ्रोम उन्दैनि

थाखाय बोसोराव 500 रंसिम जागोन। मिरु सरकार बेजों लोगोसेनो राइज्योफोरनोबो सरकारि फरायसालिफोरआव प्रि प्राइमारि आरो गथ'साफोरनि फरायग्लानाय थाखोखौ जागायनो थाखाय थुलुंगा होनायनि बोसोन हरदों। बबेखानि सोल्लोंथाइया संबिजिरनि फारिलाइयाव

दंफायो। बिब्दियाव फरायसालि सोल्लोंथाइखौ साबसिन खालामनायनि थाखाय मिरु आरो राइज्यो सरकार मोनैनिफ्रायबो रंखांन्थि मदत हरनाय जायो। सोल्लोंथाइ मावख'आ बे थांखिखौ गोदान माहारियायि सोल्लोंथाइ खांन्थि (नेशनल इडुकेशन पलिचि)आ सोलिनायजों

लोगोसेनो लाबोफादों। जेराव फरायसालि सोल्लोंथाइनि गुदि बिथायाव प्रि प्राइमारिखौबो लाफादेरनाय जादों। बेयाव गथ'फोरखौ 3 बोसोर बैसोनिफ्रायनो फरायसालियाव थिसन्नो एबा प्रि प्राइमारियाव सोल्लोंथाइ लाहोनो हानायनि बिथांखि लाबोनाय जादों। मख'जाथावदि, नेशनेल इडुकेशन पलिचिनि बे बिथांखिया गासैबो राइज्योफोरनोबो जागायनाय। नाथाय बेयो जौबोद लासैयै सोलिदों। गासै हादतनि गं 11 लाख सरकारि फरायसालिफोरनि गेजेराव 1.88 लाख फरायसालिफोरनोबो प्रि प्राइमारि थाखोफोर जागायदों। फारसेथि गोबां फरायसालिफोरनो बे बिथांखिनिफ्राय जागायव दड। सरकारि फरायसालिफोरआव प्रि प्राइमारि थाखोफोरखौ जागायनायजों लोगोसेनो हादतनाडै सोलिगासिनो

थानाय गासैबो आंगनबाड़ि मिरुफोरखौबो फरायग्लानाय आरो प्रि प्राइमारि फरायसालिफोरआव सोलायनायनि बोसोन होनाय जादों। जायनि उनाव बेफोर मिरुफोरखौ आपग्रेट खालामनाय जायो। सोनाब बंग'आ नेशनेल इडुकेशन पलिचिखौ लानानै रजखांन्थियायि जौसांआव हँथा होनायखौ नुनो मोनबोबाय थादों। नाथाय बावैसो सिगाडव संसदआव दिन्थिनय मोनसे रिपटनि बायदिल्ला सोनाब बंग'आ गुबुन राइज्योफोरनिखुइ बांसिन 65 रोजा आंगनबाड़ि मिरुफोरखौ प्रि प्राइमारिजों सरजाबनायनि खामानि मावदों। नैथि नाम्बाराव दं आसाम, जेराव 25 रोजा फरायसालिफोरखौ प्रि प्राइमारिजों सरजाबफानाय जाबाय। बेजों लोगोसेनो जम्मु-काश्मीर, झारकांड, पान्जाब, मेघालय आरो तामिलनाडुआवबो बेखौ लानानै गोबां खामानि मावनाय जादों। बेफोर राइज्योआवबो गोबां अन्जिमायाव सरकारि फरायसालिफोरआव प्रि प्राइमारि सरजाबनाय जाबाय।

सिनिनि मिलफोर गिदिर रेहाय मोन्दों

गोदान दिल्ली, 16 दिसम्बर : सरकारा सिनि मिलफोरनो गिदिर रेहाय होदों। सरकारा 2023-24 आब सिनि मिलफोरखौ एथनल बानायनो थाखाय खुसेरनि बिदै आरो मलासेस मोननैखौबो बाहायनो गनायथि होबाय। नाथाय बेजों लोगोसेनो बेनि थाखाय होनाय सिनिनि जौसिन सिमानाखौ 17 लाख टनआव थि खालामदों। खौरनि बायदिल्ला सरकारा बे थांखिखौ होबथानायनि 1 सप्ताह उनावनो लादों। मख'नो गोनांदि, इन्डास्ट्रीआ सरकारनि थांखिखौ बोखारना लाफिनो डिमान्ट खालामदोंमोन। खौरनि बायदिल्ला, मिरुनि फु ड डिपार्टमेन्टनि नेहाथारि सन्जिब



चप्राया बुंदोंदि, बे केसआव मन्थिफोरनि मोनसे कमिटिया शुक्र बारखालि गावसोरनि जथुमानि समाव बे थांखिखौ लादों। सरकारा 7 दिसम्बरखालि एथनल दिहुन्नायाव खुसेर बिदै आरो मलासेसखौ बाहायनायाव होबथानाय जादोंमोन। आधिखालाव अइल मार्केटि

कम्पनीफोरनिफ्राय मोन्नाय आर'जलाइनि थाखाय एथनलनि साप्लाइ हरनायखौ गनायथि होदोंमोन। चप्राया बुंदोंदि, गावसोर एथनल बानायनायाव बाहायनाय खुसेर बिदै आरो मलासेसनि बिदैफोराव थांखि लानाय नेम-खांन्थिफोरनि सायाव खामानि मावदों।

6 बोसोरनि फरायसाया फोरोंगिरिखौ गुलि गावना बुथारनाय केसआव बिमानो साजा फोसावबाय

गोदान दिल्ली, 16 दिसम्बर : आमेरिकायाव 6 बोसोरनि फरायसाया गावनिनो फोरोंगिरिखौ गुलि गावनाय बुथारनाय गोमोथाव केसआव कर्टआ गिदिर थांखि खोनास होदों। बे गथ'नि दायनि थाखाय

कर्टआ बिनि बिमानो साजा खोनास होदों। कर्टआ मानिना लानाय बायदिल्ला गथ'नि बेबायदि आखुनि थाखाय बिनि बिमा-बिफाया दायनिगिरि। भांजिनियाआव गावनि फोरोंगिरिखौ बुथारनाय 6



बोसोर बैसोनि गथ'नि बिमानो फिसाखौ खानाय-बानायाव सांग्रांथि गैयैनि दाय होनाय जादों। बेजों लोगोसेनो बिनो 2 बोसोरनि साजा खोनासहोदों। डेजा टेलरनि फिसाज्जाया गावनि सर्ट गानजों गावनि फोरोंगिरिनि सायाव गुलि गावदोंमोन। निउजपर्ट निउजआ फोरमायदोंदि, हादतनाडैनो सोमोनांहोनाय बे जाथायाव टेलरनो नैथि खेब साजा खोनासहोदों। साकिट कर्टनि बिजिरिगिरि क्रि स्टपार पेपिलेया टेलरनो राइज्यो सरकारनि केसआव शुक्रबारखालि जाय साजाखौ खोनासहोदों बेयो थि

खालामखानाय बिथोनमानि रुजुनायाव गोबाव जादों। टेलरनि उकिलआ 6 दाननि साजा होनो आर'ज गावदोंमोन। नाथाय बेनिफ्राय बांसिन साजाखौसो खोनासहोनाय जादों। टेलरखौ हाथियार दोन्नानै गान्जाखौ बाहायनायनि थाखाय नभेम्बर दानाव सन्देह' गोनां केसआव 21 दाननि साजा खोनासहोदोंमोन। हाथियार दोन्नाय आरो बेजों लोगोसे गान्जाखौ बाहायनाया आमेरिका आइनखौ सिमफायनाय जायो। राइज्योनि केस आरो सन्देह' गोनां केसआव टेलरनो गासै 4 बोसोरनि साजा खोनासहोनाय जादों।

No.CHD/HT/BTC(G)801/2023-24/02 Dated Kokrajhar, the 15-12-2023
PRESS NOTICE
 Tender No. HT/04/2023
 Directorate of BTC, Handloom & Textiles, Kokrajhar invites Online bids from eligible Registered Suppliers / Dealers / Firms / of BTR under Handloom & Textiles Department for the year 2023-24 for "Distribution of frame looms with jacquard to individual weavers for economic upliftment" in BTC area under SOPD for the year 2023-24 amounting to Rs. 1,89,45,000/- (Rupees one crore eighty nine lakhs forty five thousand) only.
 Details may be seen at website <http://assamtenders.gov.in> and also in the office of the undersigned during office hours.
 Sd/-
 i/c. Director of BTC,
 Handloom & Textiles, Kokrajhar
 IPR(BTC)-2023-24/961

No.CHD/HT/BTC(G)802/2023-24/02 Dated Kokrajhar, the 15-12-2023
PRESS NOTICE INVITING TENDER
 Tender No. HT/06/2023
 Directorate of BTC, Handloom & Textiles, Kokrajhar invites Online bids from eligible Registered Suppliers / Dealers / Firms / of BTR under Handloom & Textiles Department for the year 2023-24 for "Supply of Handloom Machine and accessories under Bodoland Handloom Mission for the year 2023-24" in BTC area under SOPD for the year 2023-24 amounting to Rs. 225.00 Lakhs (Rupees two crores and twenty five lakhs) only.
 Details may be seen at website <http://assamtenders.gov.in> and also in the office of the undersigned during office hours.
 Sd/-
 i/c. Director of BTC,
 Handloom & Textiles, Kokrajhar
 IPR(BTC)-2023-24/960

PUBLIC NOTICE
 No. SSA/Esst/Engagement/ QE (TT)/682/2003/8606
 In pursuant to the advertisement published vide No. SSA/Esst/Engagement/SMO/1/2007/5421 Date : 06/06/2023 and No. SSA/Esst/Engagement/SMO/Q&P (TT)/617/2023/7698 dated 10.10.2023, it is for general information of all concerned that the interview for the following posts under Samagra Shiksha Axom will be held as mentioned below :

Sl.No	Name of the Post	Date of schedule of Interview
1	Officer- In-charge[Pre-Primary & Early Child Care Education]	28.12.2023
2	Equity Officer In-charge	29.12.2023 and 30.12.2023
3	Consultant (MIS)	02.01.2024
4	Quality Expert-Mathematics [Teachers Training]	02.01.2024
5	Quality Expert, Quality and Pedagogy	02.01.2024
6	Accounts Officer	18.01.2024, 19.01.2024 and 20.01.2024

 The date-wise list of short-listed candidate is uploaded in the official website of Samagra Shiksha Axom at <https://ssa.assam.gov.in>
 The short-listed candidates are requested to attend in the interview as per the scheduled date in the State Mission Office, Samagra Shiksha Axom, Kahilipara, Guwahati-19 with the original testimonial relating to Educational Qualification, Experience and other documents, etc.
 Sd/-Mission Director
 Samagra Shiksha Axom
 Kahilipara, Guwahati-19
 Janasanyog/DF/2172/23/17-Dec-23

No.B/DDU/Sale Notice/4779 Dated Udalguri, the 8th Dec, 2023
SHORT TENDER NOTICE
 Sealed tender affixing court fee stamp of Rs. 8.25 (Rupees eight and twenty five paise) only is hereby invited from the intending tender for the following work has been fixed on the date of 28/12/2023 upto 3.00 P.M. in the office of the undersigned. In case the office remains closed on that day for any unforeseen or unavoidable reasons the tender will be received on the next working days.
 The details of the tender Notice can be seen in the office of the undersigned in any office.

Sl. No.	Name of Works	Estimate Amount	Earnest Money
1	Improvement of road with sand gravelling of Sunday market village road at Mazbat Forest Range under Dhanisri Forest Division, Udalguri	Rs. 15,00,000/-	Rs. 30,000/-

 N.B.- The bill of the construction will be paid only after receiving the fund from BTC.
 Sd/-
 Divisional Forest Officer,
 Dhanisri Forest Division, Udalguri
 IPR(BTC)-2023-24/963

No.CHD/HT/BTC(G)800/2023-24/02 Dated Kokrajhar, the 15-12-2023
PRESS NOTICE
 Tender No. HT/05/2023
 Directorate of BTC, Handloom & Textiles, Kokrajhar invites Online bids from eligible Registered Suppliers / Dealers / Firms / of BTR under Handloom & Textiles Department for the year 2023-24 for "Supply of fly-shuttle frame looms with accessories to passed out trainees for self employment" in BTC area under SOPD for the year 2023-24 amounting to Rs. 29,93,861/- (Rupees twenty nine lakhs ninety three thousand eight hundred and sixty one) only.
 Details may be seen at website <http://assamtenders.gov.in> and also in the office of the undersigned during office hours.
 Sd/- i/c. Director of BTC,
 Handloom & Textiles, Kokrajhar
 IPR(BTC)-2023-24/962

उरां जाहाज बिरखोनाय आरो बाग्लायनाय समाव बेनि लाइटखौ मानो बन्द खालामनानै होनाय जायो मिथिगौना!

आथिखालाव बांसिन सुबुंफोरानो उरां जाहाजजों दावबायनायखौ साबसिन मोनसै। बेराफासै गोबां सुबुंफोर दड, जायफोरा जिउआव खेबसेबो उरां जाहाज गाखोनो मोनाखै। अदेबानि उरांजों दावबायनो मोनफेरखैब्लाबो उरां जाहाजनि माखासे नेमखाथिनि बागै जों सावथुनफोराव आरो खौरां बिजों, ससैल मिडियाआव भाइरेल जानाय भिडिअफोराव नुनो मोनबाय। जेरै प्लाइटआव माब्ला सिट बेल्ट लागायनांगौ, माब्लानि समाव ट्यलेटखौ बाहायनांगौ, सिटनि साखाथियाव थानाय स्टेन्डखौ माब्ला खेवनांगौ आरो माब्ला बन्द खालामनानै बायदि-बायदि। दिनें जों प्लाइटनि मोनसे फेक्टनि बागै मिथिहोगोन, जायनि बागै नोंथाडाबो मिथिया जानो हागौ। प्लाइटआव बिरखानाय आरो बाग्लायनाय समाव बेनि लाइटफोरखौ बन्द खालामनाय जायो। नाथाय मानो? बेनि जाहोनखौ जों फोरमायथिनानै होगोन। जोंनि मेगनआ खोमसिआव खाब जानो थाखाय 10-30 मिनिट सम



लायो। बिबिआव एयारलाइन्सआ बे बाथ्राखौ नोजोर लाखियोदि, जुदि प्लेनआ बिरखाडोब्ला एबा बाग्लायोब्ला हरखाब बोरैबा जाब्रथायाव गोग्लैबायोब्ला, प्लेननि लाइटआ मानिबा जाहोनाव हरखाब बन्द जायोब्ला, बेबादि थासारिआव रावबो दावबायारिआनो जाहाथे गिखाड एबा गिनायजों जेना सोमजिहोआ। बेनिखायनो बिरखानाय आरो बाग्लायनायनि एसे सिगां

प्लेननि लाइटफोरखौ खम खालामनानै होनाय जायो। बई एयारलाइनि बादिब्ला, 2006 निफ्राय 2017 नि गेजेराव बिनि मोन्दांथि मोन्नाया फोरमायोदि, बिरखोनो जागायनायाव 3 मिनिटनि गेजेराव 13 जौखोन्दो जाब्रथाय जायो आरो बाग्लायनायनि 8 मिनिट सिगांसिमआव 48 जौखोन्दो जाब्रथाय जायो। बेनि अनगाथे बिरखोनाय आरो बाग्लायनायनि समाव प्लेननि

लाइटखौ बन्द खालामनायनि जाहोनआ जादों जाहाथे दावबायारिफोरा फ्लाइटआव थाखानाय इमारजेन्स लाइटफोरखौ रोखायै नुनो हायो। बे इमारजेन्स लाइटआव जोंखांरा रिफ्लेक्टर्स लागायनाय थायो आरो बेफोर लाइटआव दावबायारिनि सिटनि गोजौआव थायो, जाय गोजा आरो गोमो गाबनि जायो। बे लाइटआव नोंथानो मोनफोरमबो एक्सननि थाखाय सिग्नेल हरनायनि खामानि मावो।

केप्टेन महरै रहित शर्मानि आइपिएलआव थिसन्नाय रेकर्डखौ सिफायनाया गुबुनफोरनि थाखाय गिदिर सेलेन्ज जानानै दड



गोदान दिल्ली, 16 डिसेम्बर: इन्डियान प्रिमियर लीग(आइपिएल) रहित शर्मानि केप्टेननि बिबानआ दिनें 15 डिसेम्बरखालि जोबनानै थांबाय। मुम्बाइ इन्डियान्सआ इयुनखौ नोजोर होनानै अल राउन्डार गेलेगिरि हादिक पन्डियाखौ जानो गोनां सिजननि थाखाय टीमनि गोदान केप्टेन बिबानआव थिसनबाय। रहितआ केप्टेन महरै आइपिएलआव गिदिर रेकर्ड थिसनो हादों। बिथाडा जेब्ला 2013 नि सिजनआव मुम्बाइ

इन्डियान्सनि गिबि केप्टेन महरै बिबानआव दडमोन अब्ला बिथानि कामान्डआवनो बै बोसोरनि सिजनआवनो टीमआ गावसोरनि गिबि टूफी देरहानो हादोंमोन। बेबादि थासारिआव रहितआ केप्टेन महरै आइपिएलआव रेकर्ड थिसन्नायखौ सिफायनाया हादिक पन्डियानि थाखाय गोलै जानाय नडा। आइपिएलनि जारिमिनआव केप्टेन महरै रहितआ गावनि 13 थि मेचआव मुम्बाइ इन्डियान्सखौ सेम्पियन खालामदोंमोन। जाय रेकर्डखौ

सिफायनाया गुबुन केप्टेनफोरनि थाखाय गोब्राब जागोन। बे फारिआव नैथि नम्बरआव हादिक पन्डिया आरो सेन वार्नि मुडा फेयो। बिसोर सानैआ केप्टेन महरै गावसोरनि 15 थि मेचआव टीमखौ सेम्पियन जाहोनो हादों। बेनि उनाव रहितआ केप्टेन महरै गावनि नैथि आइपिएल टूफीनि 44 थि मेचआव मुम्बाइ इन्डियान्सखौ सेम्पियन जाहोगोन। बे फारिआव रहितआ धनीनि रेकर्डखौ सिफायदों। जेराव धनीआ केप्टेन महरै नैथि

आइपिएल टूफीखौ गावनि 59 थि मेचआव देरहादोंमोन। रहितआ बेनि उनाव थामथि आइपिएल टूफीखौ केप्टेन महरै 75 थि मेचआव देरहादोंमोन। धनीआ जेब्ला थामथि आइपिएल टूफीखौ देरहादोंमोन अब्ला केप्टेन महरै बिथानि मेच 159 थिआव सौहैदोंमोन। रहितनि दिन्थिफुनाया आइपिएलआव जाफुंसारनाय केप्टेनफोरनि फारिआव गिबि सारिआव जायगा मोनो। मानोना बिथानि दैदेन्नायावनो मुम्बाइनि टीमआ खेब 5 सेम्पियन जानो हादों। बे फारिआव रहितआ खेबटूफीखौ गावनि खेब 104 मेचआव देरहादोंमोन आरो बिथाडा जेब्ला बाथि खेब मुम्बाइनि जानानै टूफी देरहादोंमोन अब्ला बिथानि मेचआ केप्टेन महरै खेब 116 सिम सौहैदोंमोन। रहितआ आइपिएलआव मुम्बाइनि थाखाय खेब 158 मेचआव केप्टेन बिबानखौ सामलायदों। जायनि गेजेराव टीमआ खेब 87 मेचआव देरहादों।

चीनआव करनानि गोदान साब भेरिएन्ट जेएन-1 नि 7 केस मोन्दों

बेइजिं, 16 डिसेम्बर: चीनआव कभिड 19 जों सिलिंखार जानानाया बारा गोबाव सम बारलाडाखै, जाउनाव बेनि बिजाउननिफ्राय जाखाबोनो हायैनि गेजेरावनो कभिडनि साब भेरिएन्ट जेएन-1 नि गोदान मोन 7 पजिटिभ केसआ सोराडाव फेदों। माहारियारि बेराम सामलायग्रा आरो होबथाया खुंथाइया शुक्रबारआव बुंदोंदि, चीनआ कभिड साब भेरिएन्ट जेएन-2 नि मेन 7 इन्फेक्शन सन्देसायखौ मिबथिनो हादों। बिबानगिरिफोर बुंदों बे भेरिएन्ट गोसारनायनि खैफोदआ आथिखालाव जोबोर खम, नाथाय फेनो गोनां समाव बेनि खैफोदआ बांसिन जानो हागौखौ नेवसिनो हाया। इउएस



सेन्टार फर डिजिस कन्ट्रल एन्ड प्रिभेन्शन (सिडिसि) नि बायदिब्ला, जे एन-1 आ भाइरासनि मोनसे रोखेम जाय कभिड-19 नि जाहोनाव सोमजिखाडो। भेरिएन्टआ बिए-2.86 निनो बाहागो। स्पाइक प्रटिनआव जे एन-1 आरो बिए-2.86 नि गेजेराव

मोनसे फाराग नुनो मोन्दों। मख'जाथावदि, जे एन-1 नि गिबिसिन केसखौ इउएसएयाव थांनाय सेप्टेम्बर दानाव मोन्दोंमोन। बेनि उनाव 8 डिसेम्बरसिमाव इउएसएनि पाब्लिक हेल्थ एजेनसिआ बे भेरिएन्टनि गासै केसआव 15-30 जौखोन्दो केसआवल' बेनि

केसखौ मोन्दोंमोन। सिडिसिनि बायदिब्ला, आथिखालाव बेखौ मिबथिनो हानाय जायाखै, करना भाइरासनि बे भेरिएन्टआव गुबुन भेरिएन्टनिफ्राय आलादा लोक्षोन नुनो मोना। सरसनस्त्रायै कभिड-19 नि माखासे भेरिएन्टफोरार रोखेमसे बायदिनो लोक्षोन नुनो मोनाय जायो।

रंजालि गथ'फोरनि सौरा

न'खाथिनि बाजै गोदान

मैया दाखलैसो जालाबाय न'गुदिआव हाबा सोमोन्दोआव जायो आंहा बाजै नाथाय बाजै नि बैसोआ खुनुरुखुमसो 18 बोसोर अब्लाबो एदावसोयो आंबो बाजै बाजै।

सानसेखालि, बाजैमोननिफ्राय मोनामफैबाय खामहेहे लोगोसे खोनाफेदों थि थि सोदोब सानखाबाय आं 18 बोसोरनि बाजैआ खामहोबाय ओंखाम थांबाय आंबो एदाववो होन्ना एसे।

थांना नुदों आं बाजैआ मिनि मिनि नायदों मबाइल फारसेथिं बाजै गोरलैआ देदों थ'फिआव बानलु फारसेथिं बोसोना दोननाय ओंखामनि अरा जोंखान्दों आं हाबफैब्ला बागदावलायो गुरलाबनो।

ओंखामा खामथाव लांबाय बानलु थ'फिआ जायगा दाबसेआवल' देदों गोदो लाइवाइ जायगा थायसेआव बानलुआ थफिनि गाहायाव गोग्लै जोबनाय।

दाबा मा जागोन गोदान सोदान आय'खाफाल, आनि जागोनाबा माबादि मोजाडैनायहर आफा इसोर थिलाला आनि बे खाफालखौ।

-निरन्जन बसुमतारी
नतून सनाफुर, गहपुर

दावदाब

फर-फिर गिदिनाय आनि मोनसे सम आरो खारनो रॉथि मोनसे दाखोन जरजुलुमजों नांथाबनाय मोनसे गोसोखांथिया माब्लाबा मेगनाव हाद्रि सारो आरो बिखायाव साखांहोयो हारसिंयै माब्लाबा बिसम्बनि बिलिरनायाव मोदै गहोनो गोनां जायो बेबादिनो मोनसे सावगारिनि नोजोर गोग्लैना आं बेबादिनो मोनसे मोखथानि हाबहाबनाय जिनिर हुगार-हुगार थाफलाडो सानसे बिबिदो गोबाव हरसिम आं खोमसिनि सिरिथियाव गावखौ दलरै दोनना मोनसे गोसोखांथिनि उन-उन खारदोंमोन बेयाववो गोबां बानबुंथि आरो गोबां बिसम्बिजों आं आन्दायनादोंमोन हब्रा-हब्रा आं मोनसे बिखाखौ सिरियै दबथायदोंमोन बेबादिनो बिखानि दावदाबा हुरा-हुरा दिनेंसिमबो खामो गोरबो मोनसेखौ।

-अनजालि सर्गियारि
बाक्सा

दाहा

बिखा दोफों-दोफों हांमा सुरहाब-सुरहाब मोदैजों - खुदैजों आय' खालाव-खासाव आं आगोर गैयै।

दाहाबिदां माला सुजुना आफनि जिउ गैयै सोलेराव गानहोनानै बिदाय हरबाय आफा नों सोरगोयाव आलो गोजोनै जायगा मोनहैथों।

गैयाब्लाबो दं दं आफा आंजों दुंबुद सोलेरजों गोबानानै हरखाब नों बबेयावबा आनज्रायलांबाय आफा जों दा हांमा सुरहाब-सुरहाब दाहानि हर खोमसियाव।

-गलाप खुंगुर बसुमतारी
कक्राझार

गजल खन्थाइ

गोरबोनि सानसि दैथुन लोगो लोगो रेबखानानै दोन

नडबोला नों दाबोरसेनो बावलांगोन

जुदि नों रेबै रेबे दोनो खामानियाव फेगोन

आरो बेनो नॉनि थाखाय दोंसे मोजां खन्थाइ रनसाय जागोन

-रैदोम बर',
माजदिया, बगुलामारि,
बाक्सा

इउपिपिएल दोलोखौ नागारनानै बिपिएफ दोलोआव जइनिं जादों मिरु इउपिपिएलनि सि डब्लिउ सि मेम्बार कनक चन्द्र बर'आ

बड'सा थाद्वै/सालबारि 16 डिसेम्बर: फेगौ लकसभा बिसायख'थिनि थाखाय गुबुन गुबुन राजखान्थि दोलोफोरा गाव-बागावनि दोलोफोरखौ गोखों खालामनायनि थांखिजों दासान्दि बायदि बायदि मेल, सुबुं गौमा, जइनिं हाबाफारि लागसिनो थानायखौ नुनो मोन्दों। दिनेंबो बाक्सा जिल्लानि गवर्धनायाव मिरु आइजो बिपिएफनि बिपिएफनि जिल्ला थाखोनि सांग्रांथि मेलआव जइनिं ज। फेदों इउपिपिएलनि सि डब्लिउ सिनि मेम्बार कनक चन्द्र बर'जों लोगोसे सा 46 सोद्रोमाफोरा। इउपिपिएल नागारनानै बिपिएफआव जइनिं जाफेनाय कनक चन्द्र बर'आ सि डब्लिउ सिनि मेम्बार महरै 2016 माइथायनिफ्राय दासिमहालागै दंमोन। नाथाय इउपिपिएल दोलोन सा 46 गोखों मावथि

सोद्रोमाफोरा जइन जाफेयो। सालबारि जिल्ला आइजो बिपिएफनि बान्जायनायाव दिनें मिरु आइजो बिपिएफनि जिल्ला थाखोनि सांग्रांथि मेलआव जइनिं ज। फेदों इउपिपिएलनि सि डब्लिउ सिनि मेम्बार कनक चन्द्र बर'जों लोगोसे सा 46 सोद्रोमाफोरा। इउपिपिएल नागारनानै बिपिएफआव जइनिं जाफेनाय कनक चन्द्र बर'आ सि डब्लिउ सिनि मेम्बार महरै 2016 माइथायनिफ्राय दासिमहालागै दंमोन। नाथाय इउपिपिएल दोलोन निति आदर्शफोरखौ



जेबो खामानि मावनो हायै, बेजों लोगोसेनो गोरबोथानि जि इमप्लिमेन्टेसन जानो गोनांमोन बेयो दासिमबो जाफुं होयैनि थाखाय इउपिपिएल नागारनानै बिपिएफआव हाबफेदों होन्ना जेहोन फोरमायदों कनक चन्द्र बर'आ। इउपिपिएलनिफ्राय कनक चन्द्र बर'आ। दिनेंनि आइजो बिपिएफनि सांग्रांथि मेलआव बिपिएफनि गाहाइ नेहाथारि मनेशर ब्रह्म, बिपिएफ मिरु लाइमोन नेहाथारि कास्तम बसुमतारि जों लोगोसे बिपिएफनि गोबां दैदेनगिरि, सोद्रोमाफोरा बाहागो लायो।

8 थि आसाम हरिमायारि आबाद–हर्टिकाल्सार क्रप्प मेल

बिथांखि, खानापारा आसाम जोलै (चिड) निगम लिमिटेडनि लग’ आरो ‘ब्रेन्डेमे’खौ हाबाफारि बायदिचै बेखेवये। हाबाफारियाव बिथाड आबाद हल्टिकाल्सार क्रप्प, जुनात फिसिथाय, ना आरो रेसन खोन्दोयाव गोजू थाखोनि हाबा मानवानै दिन्थिफुंनाय आबादारिफोरनेबो बान्थाखौ गथायदौं। बेखौ लोब्बा लानानै खुंनाय हाबाफारियाव गिबि मन्थ्रि ऊ शर्माआ बुंदौदि, आथिखालनि राइजो सरकारआ थानाय 2 खावसे बोसोरारि मावबिबान समाव राइज्योनि आबाद खोन्दोनि जौगाखांनायनि बिथिडव जोबोद गोनांथि होदौं। गिबि मन्थ्रिआ बुंदौदि, राइज्यो सरकारआ सरासनस्‍हा थाखोनि गनायथिनाय बेसेनाव माइ बायनायनि थाखाय जाय थांखि आजावना लादौंमोन बेनि गेजेरजौंनो 62 रोजा आबादारिफोरनिफ़्राय राइज्यो सरकारआ 6 लाख मेट्टिक टन माइखौ थानाय बोसोरव बायनो हादौंमोन। बेनि सोलाचै राइज्यो सरकारआ आबादारिफोरनि बँक एकाउन्टसिम 1200 कौटि रं गथायदौं होन्ना फोरमायनानै बुंदौदि, राइज्यो सरकारआ सरासनस्‍हा थाखोनि गनायथिनाय बेसेनाव बेसर बायनायनो थाखाय थांखि लानायावबो आबादारिफोरनिफ़्राय जोबोद अन्सायनाय मोन्दौं। गिबि मन्थ्रिआ बुंदौदि, आबादारिफोरखौ मुलाम्फा मोनहोगोन थाखाय मिरु सरकारआ आजावना लानाय मिथांखिफोरनिफ़्राय राइज्योनि रावबो आबादारिफोर जाहाथे जानगाराव थानाइ, बेनि थाखाय राइज्यो सरकार राहा आजावदौं आरो मिलेट मिसन, फ’डार मिसन बायदिजौं जाहाथे आबादारि समाजआ मुलाम्फा जायो बेनि सायावबो गोनांथि होदौं।

गिबि मन्थ्रिआ ऊ शर्माआ माखासे आबाद माननाय खामानिनि सायाव गोनांथि होदौं। गिबि मन्थ्रिआ बुंदौदि, हादतनि गुबुन गुबुन जायगायाव आबादारिफोर बोसोरव खेबथाम थार्वोसिम आबादनि खामानियाव लोब्बा थायो। बेनि अनगायैबो बिसोरो उदां फोथाराव फालांगियारि बिफां गायनाय आरो हर्टिकाल्सार क्रूपनि आबादनि खामानि माननानैबो गोबां आर्जिनो होयो। बे बिथिडवनो गिबि मन्थ्रिआ राइज्योनि आबादारि समाजनो बोसोरव खेबनै एबा बेनिखुइ बांसिन आबादनि खामानि माननायाव लोब्बा जानो खावलायनानै बुंदौदि, राइज्यो सरकारआ आबादारि समाजखौ गावसोरनि दिहुन्नाय मुवा–बेसादफोरखौ दैथायहरनायनिफ़्राय जागायजेनानै सरासनस्‍हा थाखोनि गनायथिनायनि बेसेनाव माइ, बेसर बायनायजौं लोगोसे गुबुन गुबुन रोखोमनि गनायथिनायखौ आजावना लागोन मानोना राइज्योनि आबाद रंखान्थिखौ मोनसे गोदान महरसिम लांनो हायो। ऊ शर्माआ बुंदौदि, गुबुन गुबुन जाथायनि मादरं, नारें लेबु, लिसु, हाइजें, बानलुजौं लोगोसे राइज्योयाव दिहुन्नाय आबाद जाथोनि मुवा–बेसादफोर बावैसोयाव मुलुगनि हाथायाव नोजोर होजानो हादौं। बेबायदि मुवा–बेसादफोरखौ बिगियानारि महराव दिहुन्थायनि राहा लानायनि गेजेरजौं राइज्योनि आबादारि समाजआ मुलुगनांनि हाथायखौ दख’ल खालामनो हागोन होन्ानैबो बिथाड बुडे। आबाद मुवा–बेसादनि दिहुन्थायनि गेजेरजौं मोनसे गाव–गसंथा आसाम सोर्जिनो थाखाय जर’खा राहा आखाइयाव लानो गिबि मन्थ्रिआ गावनि बिबुंधियाव राइज्योनि आबाद, जुनात फिसिथा, ना बिफानखौ खावलायदौं। बिथाड बुंदौदि, राइज्योयाव 100 कौटि रंनि मोनसे बिबारनि हाथाय दडब्बालो आसामनि आबादारिफोर बेनिनो 15 कौटि रंनि बिबारखौल’ दिहुन्ो हायो। बेबायदिनो नानि आदार, अमा फिसा बायदिनि थाखाय आसामआ गुबुन राइज्योनि सायाव आथिखालव सोनारनो गोनां जादौं। बे बिथिडवनो गिबि मन्थ्रिआ आबाद, जुनात फिसिथाय आरो ना बिथिडाव गाव गसंथानायखौ आर्जिनो थाखाय जर’खा मावफुं थांखि आजावना लानो नांजावफा बिफानफोरखौ खावलायदौं। गिबि मन्थ्रिआ लोगोसे आबाद दिहुन्थायखौ बांहोनायजौं नख’रारिफोरनि गेजेराव रंखान्थियारि थासारियाव राहा मोन्नायनि आयदाखौ बांहोनायनि सायावबो गोनांथि होदौं। दिनैनि हाबाफारियावनो गिबि मन्थ्रिआ ‘कृषिकल्प’ आयदा फारिनि 8 थि आसाम हरिमायारि आबाद–हर्टिकाल्सार क्रूप मेलानि गोसोखं लाइसिखौबो बेखेवना हायो। दिनैनि हाबाफारियाव आसाम सरकारनि मन्थ्रिफोर अतुल बरा, केशव महन्त, सन्जय किसान, जयन्त मल्ल बरुवा, एमपि कुइन अजामोनजौं लोगोसेनो मालयेचिया, इन्डेनेचिया, निउजिलेन्डजौं लोगोसे दर 11 हादतनि गुबुन गुबुन थाखोनि बिबानगिरि–थान्दे, आसाम आबाद मुलुग सोलौंसालिनि भिसि ऊ बिद्युत चन्दन डेका, लेडाइ गाहाइ नेहाथारि आशिस कुमार भुटानि, आसाम जोलै निगम लिमिटेडनि आफादगिरि प्रबिन हाजरिका, आसाम राइज्योयारि आबाद गला परिषदनि आफादगिरि मनज बरुवामोनजौं लोगोसे माखासे मान गोनां सुबुंफोर बाहागो लाफैदौं।◻

फोसावथाय होयालासेनो आइन बेरेखायै बिटिसियाव फोरोंगिरि थिसन्दों: बिटिसि गुदि टेट उथ्रिसारनाय आफाद

होन्ना दाबि खालामबोदौंब्बालो टेट उथ्रिसारनानैबो फोरोंगिरिनि मासियाव थिसनजानायनिफ़्राय सा 1900 निखुइबो बांसिन टेट उथ्रिसारनाय फोरोंगिरिफोर जानगाराव दड। बेबायदि बिथिडव बिटिसिनि 2 रोजानिबो बांसिन टेट उथ्रिसारनाय बिजाथिफोरखौ जानगाराव लाखिनानै बिटिसि ओन्सोलयाव लादं जानानै थानाय फोरोंगिरि मासिनि थाखाय फोसावथाय होयालासेनो आइन बेरेखा महरै थिखा बिथायाव थानाय फोरोंगिरिफोरखौ थिसन्नायनि अजद दैखानानै आफादनि सानै गोजू थाखोनि दैदेनगिरिफोर डिसेम्बर दाननि गेजेराव फोरोंगिरि थिसन्थायनि थाखाय फोसावथाय फोसावनायनि दाबि खालामदौं, जायनि अनगायै गोखं सोमावसारनाय जागोन होन्ना बुडे। दिने कक्राझार प्रेस क्लाबयाव खुंनाय खौरंगिरि मेलयाव फोसावनाय बायदिचै बिटिसि टेट उथ्रिसारनाय आफादआ फोरमायथि मिबबिथिनायनि मोन्थाय आइननि गेजेरजौं आथिखालाव बिटिसियाव 1999 माइथायनि सा 427 टिका बिथानि बिजाथिफोरखौ फोसावथाय गैयाजासे आइन बेरेखा महरै थिसन्नायनि फोरमान मोन्ो हादौं। जायनि थाखाय बिटिआर टेट उथ्रिसारनाय बिजाथिफोरखौ जानगाराव लाखिबोदौं। बेनि गेजेरजौंनो थिका बिथायाव थानाय बिजाथिफोरखौ फोरोंगिरि महरै थिसन्दौं होन्ना मिबबिथिनो मोन्नाय जादौं। बेनि थाखायबो बिटिसि खुंथाया दाय गोनां जानांगोन होन्ना रोखा खालामना होयो। बिसोरनि अजद होनाय बायदिचै थानाय 6 दान नाडै बिटिसिनि गाहाइ मावफुं सोद्रोमा प्रमद बर’आ आसाम सरकारनिंसिम गासै सा 1883 फोरोंगिरिफोरनि मासिखौ लानानै एसआइइउ गनायथिनायनि थाखाय दैथायहरदौं। बेबायदियाव फोरोंगिरिनि मासियाव बिटिआर टेट उथ्रिसारनाय बिजाथिफोरखौ थिसन्थायनि थाखाय सोलिफु डिसेम्बर दानाव फोसावथाय होयाब्बा आरो बे जेंनाया सुखं जायाब्बा गोजू बिजिरसालिनि हेफाजाब लागोन होन्ना रोखा खालामना होयो।◻

कक्राझारनि सान्तिनगराव बिपिएफ दोलोयाव हाबफैनाय मेल खुंदों

हाबाफारि खुंनाय जादौं। कक्राझार जिल्ला बिपिएफ बाडलि दालाइनि बान्जायनायाव खुंनाय दोलोयाव हाबनाय हाबाफारियाव इउपिपिएल, बिजेपिनि माखासे दैदेनगिरि–मावफारियाफोर दोलो नागरानानै बिपिएफआव हाबफैदौं। दोलो नागरानानै बिपिएफआव फैनाय साफ्रोमबो दैदेनगिरि–मावफारियाफोरखौ हाग्रामा महिलारीआ बरायनानै खौरं बिजौंनि सिगाडव बेबायदि बिबुंधिखौ होदौं। बिथाड बुंदौदि, इउपिपिएलजौं लोगोसे थायोब्बा माबा–मोनसे मुलाम्फा जागोन होन्ना सान्दोंमोन। नाथाय प्रमद बर’आ सामलायनो रोडैनि थाखायनो बिजेपिनि मावफारियाफोर इयुननि थासारिखौ सानखानानै बिपिएफआव हाबफैदौं। बिपिएफनि गाहाइ हाग्रामा महिलारीआ खौरं बिजौंनि सिगाडव प्रमद बर’आ गावखौ खुन्दु–कम्बरनि राजखान्थि खालामदौं होन्ना अजद होनायखौ नेवसिगारानानै रोखा खालामना होदौदि, बे बाश्राया बेनि अजद होनायसो, राइजो–राजाफोर बुडेब्बालसो आडे गनायना लागोन। बेनि अनगायैबो हाग्रामा महिलारीनि खुंथाय समाव बिटिसिआव गोजोन गैयै थासारियाव दडभोन होन्ना प्रमद बर’आ मख’नाय अजदफोरखौ नेवसिगारानानै बे बाश्राया बिनि गावआरि बाश्रा बुंनायसो होन्ानैबो फोरमायबावयो। बिथाड फँगौ लकसभा बिसायख’थिनि कक्राझार आरो दरं–उदालगुरि लकसभा बियाबयाव बिपिएफनि बिजाथिनो फेब्रुवारी दानाव दोलोयारि टिकेट गथायनाय जागोन होन्ना फोरमायो। मख’नो गोनांदि, दिनैनि बिपिएफ दोलोयाव हाबफैनाय हाबाफारियाव बाहागो लाफैनानै बिपिएफनि गाहाइ हाग्रामा महिलारीआ बुंभावदौदि, बिपिएफनि सरकार फैनाय लोगो–लोगो गिबियावनो हा–हुनि जेंनाखौ सुखानानै हानि पाट्टा गथायनायनि खामानिखौ मावगोन। फारसेथं, बिजेपिनिफ़्राय बिपिएफआव माखासे दैदेनगिरिफोर हाबफैनायनि सोमोन्दै बिपिएफनि आफादयारि नेहाथारि आरो बारा’ बिजेपिनि आफादगिरि राजकुमार ब्रह्मआ बिजेपिनि 400 निखुइबो बांसिन मावफारियाफोर दिनै बिपिएफआव हाबफैदौं होन्ना फोरमायनानै फँगौ जानुवारीयाव आरोबाव गेदर दोलोयाव हाबनाय हाबाफारि खुंनाय जागोन होन्ना फोरमायो। बे हाबाफारियाव माखासे बिजेपिनि दैदेनगिरि–मावफारियाफोर बिपिएफआव हाबफैदौं। बिथाड फँगौ जानुवारी दानसिमाव कक्राझार जिल्लायाव बिजेपिनि थाथाया उदां जागोन होन्ना दाबि खालामो।◻

गसाइगावयाव दवा मेहपिलयाव हाबाफारि खुंदों

महरै लाना हा–हुनि जेंना–जेंसिफोरखौ अरायथायै सुखंांगोन ।’’ –बेबायदि बिबुंधिखौ बिपिएफ दोलोनि आफादगिरि आरो बिटिसिनि बाराग’ गाहाइ मावफुं सोद्रोमा हाग्रामा महिलारीआ होदौं। दिने गसाइगाव महकुमा सदर सहरनि हाबुबिलयाव थानाय राइजोयारि मेल जथुमसालियाव खुंनाय इस्लाम धोरोमारनि दवा मेहपिल हाबाफारियाव गाहाइ आलासि महरै बाहागो लाफैदौं। लोगोसेनो बिथाड बुंदौदि, साफ्रोमबो गाव–गोवसोरनि रावयाव सोलौंथाय लानो हानांगोन। आसामनि गुबुन गुबुन मुलुग सोलौंसालिबादिनो बड’लेन्ड मुलुगसोलौंसालियाव बांग्ला, नेपाली आरो आरबी रावखौ थिसनफानायनि थाखाय जौं राहा खालामगोन। बिथाड आरोबाव बुंदौदि, बिटिसियाव माखासे फरायसालिमाफोर सरकार जाया लासेनो दड। जर’खा टेट आन्जाद उथ्रिसारनाय फोरोंगिरिफोर आथिखालावबो थिसनजायाखै। राइज्योनि गुबुन गुबुन जायगायाव टेट फोरोंगिरिफोरा थिसनजादौंब्बा बिटिसिनि टेट फोरोंगिरिफोरा दिनैंसिमबो साखि थिसनजायाखै। बिथाड बुंदौदि, खामानि माननायनि गोसो–हास्थायनाय थायोब्बा बेफोरखौ रोखा खालामनो हागौमोन। नाथाय आथिखालनि बिटिसियाव गावसुंथा आफादनि गेजेराव 500 राडै गथायनानै जौगाहोनायनि बाश्रा बुडे होन्ना बिथाड खुद्रिखांनाय फोरमायो। ‘जमियत उलेमाइ हिन्द’नि गसाइगाव जिल्ला आफादनि बराग’ आफादगिरि मौलाना आब्दुल गप्पानि सामलायनायाव खुंनाय जुथाय दवा मेहपिल हाबाफारियाव बिपिएफनि मिरु लेइइ आफादगिरि बक्टर आलि आहमेदआ जागायजेन्नायावनो बुंदौदि, आथिखालनि खुंथायाव थानाय सरकारनि सनाव इस्लाम धोरोमारि सुबुंफोर संखिखानानै थानो गोनां जादौं। सरकारआ इस्लाम धोरोमारि सुबुंफोरखौ गोहेलु नोजोरजौं नायदौं। माब्बाबा माद्रासाखौ बन्द’ खालामना होदौं, माब्बाबा माद्रासायाव बुल्दजार सालायनानै सिमफायदौं आरोबाव माब्बाबा इंग्जी बिजौं खुलिनायनि बाश्रा बुंदौं। बिटिसियाव बिपिएफ दोलोआ 17 बोसोर सरकार खुंथाय समाव गासैबो हारि–हारिसा, धोरोमारि सुबुंफोरनि गेजेराव खौसेथि आरो गोरोबलायनायनि थासारि दडभोन। बेबायदि सान्नाय–हनाया लासै–लासै सुबुंफोरनि गेजेराव गैयै जानो लादौं होन्ना बिथाड बुडे। हामिद जाहिरुल इस्लामआ बराय बिबुंधि होनाय दवा मेहपिल हाबाफारियाव आब्दुस सबुरआ बिपिएफ दोलोखौ फिन बिटिसि खुंथाय सामलायनो थाखाय हाग्रामा महिलारीखौ चिफ महरै सोर्जिनो धोरोमारि माइन’रिटि राइजो–राजाफोरखौ जुथाय जानांगोन होन्ना बुडे। फँगौ लकसभा बिसायख’थियाव बिपिएफ दोलोआरि बिजाथिखौ देरहाहोनो राइजो–राजाफोरखौ बिथाड ख्रावलायदौं। हाबाफारियाव बिपिएफनि एमसिएलए रहिन्द्र ब्रह्म, बारा’ मावफुं सोद्रोमा सभाराम बसुमतारि, सराइबिल बिपिएफनि आफादगिरि बिल्ला कुमार ब्रह्ममोनजौं लोगोसे माखासे दैदेनगिरि आरो गसाइगाव महकुमानि गासै 2 रोजानिबो बांसिन इस्लाम धोरोमारि हाबा खुंनायजौं लोब्बा थानाय सुबुंफोर बाहागो लाफैयो।◻

आसामनि गिबि मन्थ्रि शर्माया उल्फाजौं गोजोन गोरोबथा खालामनो थांखि फोसावदों

सोलिफु दान नडब्बा जानुवारीयाव बेनि सायाव मुंसाइ होनो हागौ। बिथाड बुंभावदौदि, आफादनि हाथियार दैग्रा हान्जाजौं सावरयनो थाखायबो थांखि लादौं। इन्टिलिजेन व्युर’नि डायरेक्टर तपन डेका आरो एनआइएनि डाइरेक्टर दिनकर गुप्ताजौं लोगोसे सावरयनायनि उनाव गिबि मन्थ्रि शर्माया खौरंगिरिफोरनि सिगाडाव बुडेदि, बिथांमोनहा रैखाथिजौं लोब्बा थानाय आयदाफोरखौ लाना सावरयदौं। एनआइएनि डाइरेक्टरआ गिबि मन्थ्रिनो रंहिग्या रिफिउजिफोरनि हाबफैखोमानाय आयदाफोरनि बागै मिबबिथिहोदौं, जेराव आसामआ केस थिसन्दोंमोन आरो एजेन्सिया सा–सान्जा भारतआव गासै मोन 44 जायगायाव सिग्रोमदोंमोन। मिरु आरो राइज्यो सरकार फरसे बरुवानि दैदेनायाव उल्फा (आइ) उतखारि हान्जाजौं गोथौयै सावरयगासिनो दड। फारसेथं अर्बिन्द राजखवानि दैदेनायाव सावरयनायखौ हेफाजाब दोरा उल्फा हान्जाजौं गोजोन गोरोबथाखौ जोबथा महर होनो थांगासिनो दडआरो बेनि सायाव सोलिफु डिसेम्बर दानआवनो, नडब्बा फेब्रुवारी दानाव जोबथा थांखिसिम सौंहैना मुंसाइ होनो हागौ। उल्फाजौं लोगोसे गोजोन गोरोबथायाव राजखान्थियारि, रंखान्थि आरो हारिमुयारि रैखाथि राहाफोरजौं लोगोसे हा मोन्थाइआबो थाफागोन। सिगां फारसे गिबि मन्थ्रि शर्माया बुंदौदि, बरुवानि दैदेनाय बिग्रायारि हान्जाया खालामनाय हिंसाफोर राइज्योनि जौगाखांनायाव हेंथा होगोन आरो बेयो राइज्यो आरो बेनि सुबुंफोरनि गिदिर हितआव दड्दि, उल्फा (आइ)आ जेब्लायबोनि थाखाय सुखानायनि लामायाव फैनंगौ। हिंसाया सुखानायनि लामा नड आरो बेयो जौगाखांनायनि लामाखौ उन फारसे लानानै थांगोन। बेयो औरैबायदि समाव थासारिखौ गात्रि खालामगोन जेब्बा आसाम राइज्योआव इन्भेस्ट्मेनआ बांबोगासिनो दड। मख’जाथावदि, गिबि मन्थ्रि आरो आइबि, एनआइएनि डाइरेक्टरफोरनि गेजेराव आसाम भवनआव खालामनाय जथुमाया 1 घन्टानिबो बावसिन सम सोलिदौं। आथिखालाव सा–सान्जा केसफोरनि सायाव सरकारनि बोसोनगिरि आइबिनि बाराग’ गाहाइ बिथोनगिरि एखे मिस्रायाबो गिबि मन्थ्रिजौं लोगो हमदौं। आसामनि गिबि मन्थ्रिया बुंदौदि, राजथावनि दिल्लीयाव सानबानि हाबाफारिजौं दावबायहैनय समाव बिथाड हादतगिरि, लेाइ हादतगिरि, गाहाइ मन्थ्रि, मिरुनि नख’र मन्थ्रि, मिरुनि रंखाथि मन्थ्रि, मिरुनि पेट्र्लियाम आरो मिथिंगायारि गेस मन्थ्रि, मिरुनि खैला आरो कनि मन्थ्रि आरो मिरुनि देहा मन्थ्रिजौंबो लोगो हमदौं। गिबि मन्थ्रिया हादतगिरि मुमुंखौ 50 थि कार्बि लाइमोन फोर्बोंआव बाहागो लाफैनोबो खावलायदौं। बे फोर्बोंखौ जानुवारीयाव खुंनाय जागोन। गाहाइ मन्थ्रि नरेन्द्र मदिखौ फेब्रुवारीयाव माखासे बिथांखिफोरखौ बेखेवनो आरो अन्थाइ खाम्फा गाइसनोबो राइज्योआव फेनो खावलायनाय जादौं होन्ना शर्माया मिबबिथिहोदौं।◻

डिमा हासाउ कार्डन्सिल बिसायख’थिनि थाखाय बिजेपिआ रादाय बिलाइ फोसावबाय

हांख्रायनायनि गेजेरजौं एनसि हिल्स अट’नमास कार्डन्सिलनि बिसायख’थिनि थाखाय राइजो–राजाफोरनि खामावनि मानवानै होनो थांखि लानायनि रादाय बिलाइखौ फोसावनानै होयो। एनसि हिल्स अट’नमास कार्डन्सिलनि गाहाइ मावफुं सोद्रोमा देबलाल गारलसा, मासिगिरि रानु लांतासा, बिजेपि दोलोनि बुंधिगिरि लिटन चक्रबर्ति आरो दोलोनि गुबुन मावफारियाफोरनि नुजाथिनायाव हाफ्लंआव थानाय अटुल बिहारि बाबपेइ भवनआव बिसायख’थिनि रादाय बिलाइखौ फोसावनानै होनाय जायो। बिजेपि दोलोआ रादाय बिलाइयाव एनसि हिल्स कार्डन्सिलनि थागिबि राइजो–राजाफोरनि गासैबो जेंना–जेंसिखौ बोखानायनि खोथा होदौं, जैरै– गोग्गो लोंग्रा दैनि जेंनाखौ बोखानाय लामा फोनांजाब जेंना, सोलौंथाइ जेंना बायिदफोरखौ गिबिचै मावफुंनो थाखाय खोथा होयो। बे खेबनि बिजेपिनि बिसायख’थि रादाय बिलाइयावबो बिजेपिआ गोहोआव फैयोब्बा नर्थ काछार हिल्स अट’नमास कार्डन्सिलखौ 6थि फारिलाइयाव सोसन्नाय बाश्रा मख’दौं। बेनि अनगायैबो एनसि हिल्स अट’नमास कार्डन्सिलनि खाजोना आइखौ 150 कौटि रंसिम बांहोनो, केप्रे लाइचं आरो दिहांजिक मडेल टाउनखौ आबुं टाउन महरै फोजौखानो, हिल्स अट’नमास कार्डन्सिलनि सेम्कर बियाबआव जिब–जुनाद फिसिग्रा बिफाननि गंसे साब–सेन्टर देहा फाहामसालि आरो गंसे आलासि जिरायसालि न’मा लुफुंनो रादाय बिलाइयाव मख’यो। बेजौं लोगोसेनो डिमा हासाउ जिल्लानि गोजामसिन गामि सेम्करखौ दरसे हेरिटेज भिलेज महरै गायसन्नो, आयुं गामिखौ दरसे डिमासा हेरिटेज भिलेज महर होनो, सोलौंथाइ बिथिडव लांति दियुंबारा सरकारि फरायसालिखौ डिग्री लेभेलसिम फोजौखानो, हाजादिसा ताइजवारि गुनजं मुल्दं फरायसालिखौ गोजौंसिन गेजेर (हाइयार सेकेन्डारि) थाखोआव फोजौखानो आरो माहुरआव चैनिक स्कुल गायसन्नो, माइबं आरो गुन्र्जनि गेजेराव मोनसे आयुष मेडिकेल कलेज गायसन्नो, हाफ्लं आरो माहुरनि गेजेराव मेडिकेल कलेज गायसन्नो, हाफ्लंआव गंसे चाइनिस सेन्टर गायसन्नो, माइबंआव गं 100 बिसिना गोनं साब–डिभिजनेल देहा फाहामसालि लुफुंनो, कार्डन्सिलनि मोन 28 बियाबफोरव बेरामिफोर लांलाय–लाबोलाय खालामनो एम्बुलेन्स जगायनो, दावबायथिलि खोन्दोआव फोजौखानायनि थाखाय हाफ्लं आरो उमरांसआव 5 स्टर हटेल लुफुंनो थाखाय डिमा हासाउनि राइजो–राजाफोरनो बिसायख’थिनि रादाय बिलाइनि गेजेरजौं खोथा होदौं बिजेपि दोलोआ।◻

गुवाहाटी हाइ कर्ट बार एससिएसननि हिराथि माइथाय फोर्बों फालिदों

बेरेखा आरो समाजआरि बेरेखा दायनिगिरि खामानि माननायनि हेंथायै गसंथेनानै सुबुंफोरनो थार बिजिरनाय होनायाव मैखोमै बिबान लाबोदौं। गावनि बिबुंधिनि गेजेरजौं राइज्यो बेंगिरि काटरियाआ फैबाय थानाय समावबो राइज्योनि गासै थाखोनि सुबुंफोरनो जायखि–जाया जाथायाव थार बिजिरनाय होनानै राइजो–राजाफोरनि थाखाय सिबिथाइ होलानो गुवाहाटी हाइ कर्ट बार एससिएसनखौ खावलायो। जाहाथे रावबो सरासनस्‍हा सुबुंफोर थार बिजिरनाय मोन्थायनिफ़्राय जानगाराव थानाइ आरो नेवसिजानाइ। दिनैनि बे हिराथि माइथाय फालिनाय फोर्बों गाहाइ आलासि महरै बाहागो लाफैनायनि थाखाय गुवाहाटी हाइ कर्ट बार एससिएसननि बिबानगिरिफोर राइज्यो बेंगिरिनिंसिम गोजोन्नाय आरो साबायख’र जासियो। हाबाफारियाव बाहागो लाबावदों भारतनि गोजौंसिन बिजिरसालिनि बिजिरगिरि ऋषिखेश रय, बिजिरगिरि उज्जल भुजा, गुवाहाटी हाइ कर्टनि गाहाइ बिजिरगिरि (मावथ’नाय) लानुचुंखुम जामिर, गुवाहाटी हाइ कर्ट बार एससिएसननि आफादगिरि आरो सिनियर एडभकेट मृणाल कुमार चौधुरिजौं लोगोसे गोबां गोजू थाखोनि बिबानगिरिफोरबो बाहागो लादौंमोन।◻

काग्राबारि दख’रा एबसुनि 4१थि थान्दै जखन्थाइआ खुंजाबाय

आफादनि गोथार फिर्फला बिरहोनाय, मुंख्लंफोरनो बिबार बाउनाय बायदि हाबाफारिखौ मावफुंनायनि उनाव सान्जौफु समाव मोनसे गेवलां मेल लानाय जायो। काग्राबारि दख’रा दुलाराय बर’ फरायसा आफादनि आफादगिरि अजित बर’नि मासि लानानै दैदेन्नाय गेवलां मेलखौ बेखेवनानै होयो बिटिआरनि मावफुं सोद्रोमा दावबाइसा बर’आ। गेवलां मेलनि हाबाफारियाव दुलाराय बर’ फरायसा आफादनि आफादगिरि दिपेन बर’आ बाहागो लायो। गेवलां मेलनि हाबाफारियाव गाहाइ आलासि महरै बाहागो लानानै दुलाराय बर’ फरायसा आफादनि आफादगिरि दिपेन बर’आ गोबां राइजो–राजाफोरनि गेजेराव आथिखालनि बर’ हारिनि थासारि, बर’ बिजौंनि सोलौंथाइयारि थासारि, समाजआरि थासारिफोरनि सायाव बेसेन गोसा बिबुंधि लाखिनानै बेफोर गासै आयदाफोरनि सायाव हारिनि सार्थआव दुलाराय बर’ फरायसा आफादआ जिरायनाये गैयै खामानि मावगाथिनो दड होन्ानै फोरमायो। गावनि बिबुंधियाव बिथाड बुडेदि, गोग्गो सोलौंथाइ लानायनि गेजेरजौंसो बर’ हारिखौ जौगाहोनो हागोन आरो बेनि बिबानखौ गासैबो दिथागिरिफोर गाव–गावनि गथ’फोरखौ मोजाडै जोथोन लानांगोन। बिटिआर गोरोबथानि बागै बाश्रा बुंनानै आफादगिरि दिपेन बर’आ गावनि बिबुंधियाव बिटिआर गोरोबथानि मोनफ्रोमबो दफाफोरखौ आबुडै मावफुंजोबनो थाखाय एबसुआ गोखौ बिफाव लानानै सरकारखौ नारिसनबोगासिनो दड होन्ानै फोरमायो। दिनैनि हाबाफारियाव दुलाराय बर’ फरायसा आफादनि नेहाथारि आनान्द दैमारि, उदालगुरि जिल्ला एबसुनि गाहाइ नेहाथारि बाबुल बर’, बुंधिगिरि रहित चन्द्र बर’ आरो जिल्ला एबसुनि गोबां दैदेनगिरि सोद्रोमाफोरजौं लोगोसे ओन्सोलनि गोबां राइजो–राजा, फरायसुलो–फरायसुलि आरो दिथागिरिफोरनि बाहागो लानायजौं सानसेनि हाबाफारिजौं खुंफुंनाय काग्राबारि दख’रा दुलाराय बर’ फरायसा आफादनि 4१थि थान्दै जखन्थाइया मेहेरगोनाडे जोबलाडे।◻

पाटगाव दख’रा दुलाराय बर’ फरायसा आफादनि खुंगा 4१थि थान्दै जखन्थाइखौ खुंबाय

थान्दै जखन्थाइखौ खुंलांबाय। फुंबलि समाव आफादनि गोथार फिर्फला बिरहोनाय, मुंख्लंफोरनो बिबार बाउनाय बायदि हाबाफारिया जोबनायनि उनाव सान्जौफु समाव मोनसे गेवलां मेल लानाय जायो। पाटगाव दख’रा दुलाराय बर’ फरायसा आफादनि आफादगिरि प्रफुल्ल’ ब्रह्म बिथानि मासि लानानै दैदेन्नाय गेवलां मेलखौ बेखेवना होयो मिरु दुलाराय बर’ हारिमु आफादनि गाहाइ नेहाथारि बिजितगिरि बसुमतारि बिथांआ। बरायबिबुंधि लाखियो बान्जाय आफादनि मासिगिरि रिमल मोसाहारि। लोगोसेनो गाहाइ आलासि महरै बाहागो लानायनि गेजेरजौं गोबांथार बेसेनगोसा बिबुंधि लाखियो मिरु दुलाराय बर’ फरायसा आफादनि लोगो आफादगिरि खोरोमदाव औवारी बिथांआ। गाहाइ आलासि खोरोमदाव औवारीआ बिटिआर गोरोबथाखौ जाफुंसार होनायनि थाखाय दुलाराय बर’ फरायसा आफादआ गोखौ बिफाव लागासिनो दं होन्ानै गावनि बिबुंधिनि गेजेरजौं फोरमायो। बे मेलಾವनो बुंधिगिरि महरै बाहागो लायो मिरु दुलाराय बर’ फरायसा आफादनि बाराग’ गाहाइ नेहाथारि, आथिखालनि 30 नं सान्जा कक्राझार बिधान सभा बियाबनि एमएलए आरो बिटिआर सरकारनि मावफुं सोद्रोमा उखिल मोसाहारिआ। बे हाबाफारिआवनो माननि आलासि महरै बाहागो लानो हायो मिरु दुलाराय बर’ फरायसा आफादनि सुबुं फोनांजाब नेहाथारि सोमदोन ब्रह्म, मिरु दुलाराय बर’ फरायसा आफादनि लोगो हारिमु नेहाथारि बुद्धिराम बसुमतारि, कक्राझार जिल्ला दुलाराय बर’ फरायसा आफादनि बुंधिगिरि मोखथां बसुमतारि आरो हालामनि मेलेमजिबि राइजो–राजा बिथांमोनहा बाहागो लानायनि गेजेरजौं गाजा–गोमजायै जाफुंसारै खुंफुं जायै।◻

गवर्धनायाव बिपिएफनि आइजो दालाइनि बान्जायनायाव सांग्राथियारि हाबाफारि खुंदों

थानाय सा 64 दैदेनगिरि–मदतगिरिफोर बिपिएफ दोलोयाव हाबाफारि बायदिचै हाबफैदौं। बाक्सा जिल्लानि गवर्धना बड’लेन्ड दरबार मेल जथुमसालियाव दिनै बिपिएफनि सालबारि जिल्ला आफादनि बान्जायनायाव मोनसे दोलोयारि आरो हाबनाय मेल खुंनाय जादौं। बिपिएफनि गोजू थाखोनि दैदेनगिरि कनिन्द्र ब्रह्मनि आफादगिरि मासि सामलायनायाव खुंनाय हाबाफारियाव इउपिपिएलनि मिरु मावफुं सोद्रोमा कनक चन्द्र बर’, इउपिपिएल दोलोनि माइन’रिटि सेलनि बाराग’ गायनगिरि आफादगिरि हानिफ आलि आहमेद, सालबारि जिल्ला इउपिपिएलनि बाराग’ गायनगिरि आफादगिरि शिलाराय बसुमतारि, जिल्ला बाराग’ आफादारि नेहाथारि बिनद स्वर्गियारि, सालबारि ब्लक सोद्रोमा भरट बसुमतारि, सालबारि जिल्ला बाराग’ आफादारि नेहाथारि जितेन कलिता, सालबारि ब्लक बाराग’ आफादारि नेहाथारि मुकन्द दास, आइजो सेलनि आफादारि नेहाथारि बिबेका दले बरा, तिराम चिलाराय, तुतु मिया, जिबिका बसुमतारि, मामुद आलि, इमराम हुसेइन, हिरेन गयारि आरो गिता केरकातारिमोनहा हाबाफारि बायदिचै बिपिएफ दोलोयाव हाबफैयो। दिनैनि हाबफैनाय मेलयाव बाहागो लाफैनानै बिपिएफ दोलोनि बाक्सा जिल्लानि दिथागिरि कनिन्द्र ब्रह्मआ बिपिएफ दोलोनि सिगांलानाय आयदानि सायाव बायदि बिबुंधि होयो।◻

अमिताभ बच्चनआ सुहाना खाननि मोनसे जाथायनि सायाव खेफोरथि होदों

टिभिनि बयनिखुइबो मुंदांखासिन क्विज्ड खालामजानाय रियेलिटी स्व 'कौन बनेगा करोड़पति' आ हेडलाइन्सआव दं. अमिताभ बच्चनआ गोबां समावनो बे स्वआव माबा मोनसे खालामो, जाय सावरायनायखौ गोखौंसिन खालामो। बे खेबाव 'द आर्चीज' नि गासैबो स्टार कास्टआ स्वआव सौफेदोंमोन। बेनि समाव सुहान खानयाबो दडमोन। फावखुंगुरआ गोबां सावरायनाय जागासिनो। फारसेथि बियो गावनि बिफा शाहरुखजों सोमोन्दो थानाय सोंथिन फिननाय होनो हायाखैमोन आरो गुबुन



फारसेथि बियो पापानि सोमोन्दे गोबां रायज्जायदोंमोन। बे समावनो अमिताभ बच्चनआबो उरफिनना थायाखैमोन, बिथाड सुहानानि सोमोन्दे मोनसे सल'

खिन्थादोंमोन। मेगास्टार अमिताभ बच्चनआ मोनसे जाथायखौ गोसोखांदोंमोन, जेब्ला शाहरुख खानआ सानस्त्रिनो नारसिनायनि थाखाय गावनि फिसाजो सुहानाखौ रायदोंमोन। सुहानाया दिथागिरि ज'या अखर आरो सावथुन 'द आर्चीज' अगस्त्य नंदा, खुशी कापुर, वेदांग रैना, डीओटी, मिहर आहुजा आरो युवराज मेंडाजों लोगोसे कौन बनेगा

करोड़पति 15 दिन्थिफुनायनि फेसालियाव नुजाथिदोंमोन। गेम स्वनि जर'खा सेगमेन्टनि समाव सासे अनसायगिरिया सुहानाखौ सोंदोंमोन, नोंथानि बिमा-बिफाफोरनि गेजेराव सोर सावसिन आरो गोरसिन? स्वनि हस्ट अमिताभ बच्चनआ बुंदोंमोन, आं सानो शाहरुखआ गोखौंसिन। 'ब्रह्मास्त्र' मुंदांखा फावखुंगुरआ अब्ला बुंदोंमोनदि, नोंथाड जोबोद उन्देमोन जेब्ला

आं सानसेखालि शाहरुखखौ लोगो हमनो नोंथानि न'आव थांदोंमोन। नोंथानि न'आव मोनसे गोदान सुइमिं पुल बानायनाय जादोंमोन, जेब्ला आं थांदोंमोन अब्ला शाहरुख आरो आं सुइमिं पुलनि साखाथियाव गसंन दडमोन। 81 बोसोर बैसोनि फावखुंगुरआ बुंदोंमोनदि, नोंथाड फेदोंमोन आरो बुंदोंमोन दि नोंथाड सानस्त्रिनो लुबैदों। शाहरुखआ बुंदोंमोन, नोंथाड सानस्त्रिनय नाड। आं बिसोरखौ नोंखौ थांहोनो थिन्दोंमोन आरो बिसोर हाया बुंदोंमोन आरो नोंखौ थांफिननो थिन्दोंमोन। बै साननिफ्राय आं हमदोंनो हादोंमोनदि, नोंथानि बिफाया बांसिन गोरसिन। आं दासिमबो बै जाथायखौ गोसोखाडो। सुहानाया बुंदोंमोन 'आं सानो बेयो मोनसेल' सममोन जेब्ला बिथाड हाया बुंगुमोन। □

'फ्रेन्डस'नि फावखुंगुर मेथ्यु पेरिआ रुंसारि जाबाय



'फ्रेन्डस'नि फावखुंगुर मेथ्यु पेरिआ हरखाबै केटामाइन अभारडजनि जाहोनाव रुंसारि जादों, जायखौ दाबि दैखानां मेडिकेलनि आन्जाद नायगिरिफोरा पस्टमर्टमआ आबुं जानायनि उनाव फोरमायदों। मेथ्युआ 1994-2004 सिमाव हिट टिभि सिटकमआव चेन्डलर बिनि फाव खालामदोंमोन। बियो 54 बोसोर बैसोआव रुंसारि जायो। बिखौ अक्टबरआव लस एन्जिल्सआव गावनि न'नि स्विमिं पुलआव हुस गैये थासारिआव मोन्दोंमोन। फोस्मायनाय बायदिब्ला, गोबाव बोसोरसिम केटामाइनजों सोमोन्दो गोनां फेग्रा मुलिफोरनि निसा आरो बेजों सोमोन्दो गोनां गोब्राब जेनाफोरजों मेथ्यु पेरिआ भुगिनांदोंमोन, नाथाय जेना गोनां महरे बिनि रुंसारि जानायजों 19 दान सिगांसिमाव बियो मोजाडेनो दडमोन। लस एन्जिल्स कार्निट मेडिकेल आन्जाद नायगिरिनि मावख'आ मोनसे बिबुंथिआव बुंदों, मेथ्यु पेरिआ केटामाइननि बांसिन गोहोम गोलेनायनि जाहोनाव रुंसारि जादों। बिनि रुंसारि जानायाव दैआव गव'नाय, कर्नारि आर्टि डिसेज आरो बिउप्रेन 'फिन इफे कटआबो दंफायो। के टामाइनखौ साखांनाय आरो हेल्थुसिन जेनिकनि थाखाय जेना गोनां महरे मोनसे मुलिनि महराव बाहायनाय जायो। सरसनस्त्रा महरे बे मुलिखौ डक्क्य एनेस्थेटिकनि महराव बाहायनो हायो। मख'नो गोनांदि, पेरिआ गावनि गांसे बिजाबआव बे मुलि जानायखौ मख'दोंमोन। रिपर्टआव बेखौ रोखा खालामनाय जायाखैदि पेरिआ केटामाइननि ड्रपखौ माब्ला आरो माबैरे लादोंमोन। नाथाय बिनि उदैआव माखासे जेनाखौ मोनाय जादोंमोन आरो बिनि न'आव डक्करनि हरनाय मुलिफोर आरो माखासे आलादा मुलि एबा टेब्लेट दडमोन। □

सावथुन 'रिस्कि रमिय' नि शुटिंआ आबुं जाबाय

फावखुंगुर सानि सिंहनि फैबाय थानाय निय-नयर कमिक दुखुनांथाव सावथुन रिस्की रमियआ कलकातायाव दानसे खावसे माराथन सेबखानायनि उनाव शुटिंखौ फोजेब्याय। बेनि सोमोन्दे बानायगिरिफोरा बेखौ शनिबारखालि फोसावदों। बे सावथुना अबरि सेनगुप्ताजों लिरजानाय आरो दिथाहोजानाय, जाय सिगाडव कियारा आडवाणी स्टार इंडु की जवानीखौ दिथा होदोंमोन आरो राधिका आप्टे स्टारर मिसेज अंडर कवर खौ दिहुनदोंमोन। 'रिस्की रमिय' नि गाहाय फावखुंगुर कृति खरबंदाखौ बे बोसोरनि जागाय जेन्नायाव गाहाय फावखुंगुर महरे फोसावनाय जादोंमोन। सानि सिंहा आ बुंदोंमोन दि, शुटिंखौ फोजेबखानायनि उनाव बिथाड जोबोद गोजोनाय मोनगासिनो दंमोन आरो 'रिस्की रमिय' खौ मोनसे बेबादि आखुखौ सिनायथि होनायनि थाखाय मुं होयो जायखौ बिथाड सिगाडव माब्लाबाबो मोगा-मोगि जायाखैमोन। बिथाड बुंदोंमोनदि, आंनो सरसनस्त्रायै बेबादि फावफोर होनाय जाया



आरो जेब्ला आं शुटिंखौ जागायजेनो, अब्ला आं हमदोंनो हादोंमोनदि, अबिरा आंनाव मा नुदोंमोन आरो आंनो बेबादि गुबुन फाव जासिदोंमोन। बे सावथुनआ जोंनि दारिमिनाव आबुडे मिथिजायाखै आरो बेयो दिन्थिफुनायनि फारसे मोनसे साहसगोनां आगान, आबेगखौ फोरमायनायनि मोनसे जोबोद गुबुन राहा। अबिरा सावथुन 'रिस्की रमिय' नि थाखाय जाय नोगोरमाखौ सायख'दों बेयो सल'आव जाडु दाजाबदेरदों। लिरगिरि-दिथागिरि अबिर सेनगुप्ताया बुंदोंमोनदि, रिस्की रमिय' नि सेटआव मोनसे आबुडे गुबुन आबहावा दंमोन। सावथुन दिहुनगिरिया बेखौबो फोरमायदोंमोनदि, सावथुनाय फावखुंगुरआ ओरैबायदि नुथाय होदों जायखौ नायगिरिफोरा सिगाडव माब्लाबाबो नुफे राखैमोन। सानि आरो

कृतिआ सावथुनाय होनाय फाहामथायनि सायाव जेरै फिनजाथाय होदों बेखौ मोजां मोनो आरो बेयो थारैनो पागलपनखौ दाजाबदेरदों। दिहुनगिरि अनुश्री मेहता (जादुगर फिल्मस), प्रियंका मेहरोत्रा आरो रमेश चंद्र यादव (पीआर मशन पिक्सास) आ मोनसे जुथाय बिबुंथियाव बुंदोंमोनदि, जेब्ला हान्जाया शुटिंनि थाखाय थियारि खालामगासिनो दंमोन बिसोरो माबा मोनसे गुबुन मिजिं थिगासिनो दडमोन आरो जेब्ला शुटिंआ कलकातायाव जानो हमदोंमोन, अब्ला बिसोरबो बैयाव थांदोंमोन। मख'नो गोनांदि सानि आरो कृतिआ आबुडे अबिरजों गोरबलायो। जों आखायाव माखासे मोजां फुटेज लानाने खुसियै दिहुनगिरि महरे शुटिंनिफ्राय फेफिनगासिनो। □

गाहाम देहानि राहा

हाथाय मोदोमनिफ्राय थै गनायखौ जानगार खालामनो थाखाय माखासे नेमखाथिफोरखौ बाहायनो हायो

ब्राश फुनाय समाव माखासे सुबुंफोरनि हाथाय मोदोमाव थै ग'यो, जायखौ सुबुंफोर नुब्लाबो नुयै बायदि खालामो। गोबां खेब ब्राश फुनाय समाव हाथाय मोदोमफोरव जोखोम जानाय एबा ब्रिसल्सआ गोबां हार्ट जानायनि जाहोनावनो ब्लिडिनि जेना सोमजिनो हागो, नाथाय गोबां खेब हाथाय मोदोमनिफ्राय थै गनाया गोब्राब जेनानि फारसे इसार होयो, जाय नोंथानि देहानि थाखाय गोबां ख'हा गोनां जानो हागो। बेखौ थि समाव फाहामथाइ लायैनि जाहोनाव इयुनआव जेनाजों भुगिनांनो हागो। जुदि नोंथानियावबो बेबायदि जेनाया जादोंब्ला सांग्रां जानांगोन। क्लिभलेन्ड क्लिनिकनि बायदिब्ला हाथाय मोदोमनिफ्राय थै गनाया जिंजिभाइटिसनि फारसे इसार होयो। बेनि माखासे गुबुन जाहोनाव जानो हागो जेरै-हार्मन्सआव सामलायथाय गैये, भिटामिननि बाडय जानाय आरो लोगोसेनो स्ट्रेसआबो बेनि मोनसे जाहोन जायो।



मोदोमखौ ख'हा खालामनो हागो। बेनिखायनो ब्राश बायनाय समाव बेनि ब्रिसल्सआ गुरे नंगो ना नड बेनि सायाव नोजोर होनांगो। ब्रिसल्सआ गोर जानायनि जाहोनाव हाथाय मोदोमआव ख'हा सोमजिहोनो हागो। बेनिखायनो मोजां ब्राशखौ बाहायनांगो। (2) हाथायआव थानाय मैलानि जाहोनावबो हाथाय मोदोमआव जेना सोमजिहोयो। बेनिखायनो अरेल हाइजिनआ गाचि जानायनि जाहोनावबो नोंथानि हाथाय मोदोमफोरनिफ्राय थै गनायनि जेना सोमजियो। (3) दुंबुर दैआव संखि होनांनै खुगा सुनाया नोंथानि हाथाय मोदोमनि थाखाय गोबां मुलाम्फा गोनां जायो। बेनिखायनो दुंबुर दैजों

खुगा सुयोब्ला हाथाय मोदोमनिफ्राय थै गनायनि जेनाया जानगार जायो। (4) हाथाय मोदोमनिफ्राय थै गनायनि जेनाया भिटामिन-सि बाडय जानायनि जाहोनावबो जायो। बेनिखायनो नोंथाड भिटामिन-सिखौ बाडय खालामनाड। बेनि बाडाय जानायनि जाहोनाव स्क्वि जानो हागो, जेराव हाथाय मोदोमफोरनिफ्राय थै गयो। कमला, किवि बायदि फिथाइफोरखौ नोंथाड गावनि डाइटनि बाहागो खालामनो हायो। (5) गावनि अरेल हेल्थखौ नोजोर लाखिनो थाखाय नोंथाड नेमखाथि महरे डेन्टिस्टनियाव थानो हागोन, जाहाथे जेनाफोरखौ फाहामथाय लानो हायो। □

तुझसे नाराज नहीं जिंदगी मेथाइखौ रोजाबग्रा अनुप घषालआ 77 बोसोर बैसोआव रुंसारि जाबाय



बावैसो हिन्दी सावथुननिफ्राय मोनसे जोबोद दुखुनांथाव खौरां ओंखारदों। बेंग'लि सावथुन मुलुगनि मुंदांखा रोजाबगिरि अनुप घषालआ रुंसारि जाबाय। 77 बोसोर बैसोआव अनुपआ बे बुहमनिफ्राय बिदाय लाबाय। अनुप घषालआ गोबाव समनिफ्रायनो सावस्त्रिन जेनाजों मोगा-मोगि जानानै दडमोन, जायनि उनाव बिथाखौ गंसे सरकारी नडै देहा फाहामसालियाव थिसन्नाय जादोंमोन। नाथाय फाहामथायनि समाव रोजाबगिरिया शुक्रबारखालि सानजौफुनि

1.40 रिंगायाव मुलुगखौ बिदाय होयो। रोजाबगिरिनि रुंसारि जानायजों सावथुन मुलुगाव दुखुनि दोहौ सोमजिदों। अनुप घषालआ बलिउडनि सासे मुंदांखा रोजाबगिरि मोन। अनुप घषालनि हिन्दीआव बयनिखुइबो मुंदांखासिन मेथाइया जादों 'तुझसे नाराज नहीं जिंदगी'। बेयो बलिउडनि मुंदांखा मेथाइफोरनि गेजेराव मोनसे। बलिउडनि अनगायैबो बिथाड बेंगली आरो भजपुरी मेथाइफोरबो रोजाबदोंमोन। रोजाबनायनि अनगायैबो अनुपआ राजखाथियावबो

गोबां सांग्रां आरो 2011 मायथाइयाव कंग्रेसखौबो देरहानो हादोंमोन। मख'नो गोनांदि, बेनि उनाव बिथाड माब्लाबाबो बिसायख'थियाव बाहागो लायाखैमोन। अनुपनि जोनोमा ई 1945 माइथायाव जादोंमोन। बिथाड गावनि बिमानिफ्राय रोजाबनायनि सोलोफोरखौ सोल्लोंदोंमोन। बिनि उनाव बिथाड शास्त्रीय दे'खो सोल्लोंनो थाखाय पन्डित सुखेन्दु गस्वामीनि खाथियाव थाडे। बिथाड क्लासिकेल दे'खोआव एम.ए. खालामदोंमोन आरो बेयाव टपारबो जानो हादोंमोन। अनुपआ सत्यजीत रेजों गोबां खामानि मावदोंमोन। दिथागिरि तपन सिन्हाया सावथुन 'सगिना महतो' (1971) आव अनुप घषालनि गारां लादोंमोन। बिथाड 'फुलेश्वरी, मरजीना अब्दुल्ला आरो छदमावेशी बायदि मेथाइफोरखौबो रोजाबदोंमोन। □

एसएस राजामौलीआ 'सालार' नि थाखाय गिबि टिकेट बायदों

साउथनि सुपारस्टार प्रभासआ आथिखालाव फेंगो सावथुन 'सालार' नि थाखाय खौरां बिजोंआव दड। दिनेनिफ्राय 5 साननि उनाव सावथुनआ थियेटरफोराव रिलिज जागोन। माखासे राइज्योफोराव सावथुननि एडभान्स बुकिंआ जागायजेनबाय। क्रिसमासनि फालिथायाव फोसाव जानो गोनां बे सावथुननि एडभान्स बुकिंनि अनजिमाया मोजाडेनो दड। बेजों लोगोसे एडभान्स बुकिंआ सोलिनाय लोगो लोगो गिबि टिकेटखौबो फान्नाय जाबाय। सावथुन सालारखौ 'केजिएफनि मुंदांखा प्रशान्त नीलआ दिथा होदों। सावथुना गोबाव समनिफ्रायनो नायगिरिफोरजों नेगासिनो दड। गोबां खेब अक्ट'खौ सोलायनायनि उनाव सावथुना जोबनायाव 22



दिसेम्बराव रिलिज जागोन। माखासे राइज्योफोराव बेखेवजानाय सावथुननि एडभान्स बुकिंनि थाखाय गिबि टिकेटखौ फान्नाय जाबाय। सावथुननि दिथागिरि एसएस राजामौलीआ बायदों जाय 'बाहुबलि' निफ्राय प्रभासनि स्टारडमखौ बाहोदोंमोन। सावगारिखौ प्रडाक्शन कम्पनी होमेबल फिल्मसआ सेयार खालामदों जेव रजामौली, प्रभास आरो पृथ्वीराजखौ सुकुमारनि अनगा गुबुन फावगिरिफोरजों टिकेट लानाय नुनो मोन्दों।

सुकुमारन, श्रुति हासन, श्रेया रेड्डी, जगपति बाबु बायदि मुंदांखा बिथांमोनहा फुनि 7 रिंगानि थाखाय टिकेट बुक खालामदोंमोन। कर्नाटक, केरला आरो बेंगलुरुआव 'सालार'नि थाखाय एडभान्स बुकिंआ जागायबाय। सकनिल्कनि रिपर्टआ दासिमनि अनजिमाफोरखौ गुवारे फोरमायो। सालारनि टिकेटफोरखौ गासै 22,117 फानो हाबाय। बेजों लोगोसे सावथुननि गासै आरजिनाया 49.35 लाख जाबाय। प्रभासनि अनगायैबो सालारपार्ट 1 सीजआव पृथ्वीराज

भिककी कौशलआ सावथुन 'राजी' आव दिथागिरि मेघना गुलजारजों लोगोसे नुजादोंमोन, बिथाड गावनि बावैसोनि सावथुन 'साम बाहादुर' आवबो गावनि सिनायथि गालादों। रिलिजनि नै सप्ताहनि उनावबो सावथुना बक्स अफिसआव गोखों दावगालांगासिनो दड। बे समावनो साम बाहादुरनि 15थि साननि खामायनायनि गोदानसिन अनजिमाफोरा नुजादों। बेबादि भिककी कौशलआ साम मानेकशनि जिड सावथुन साम बाहादुरआव गावनि आबुं गोहोखौ दिन्थिदों, जाय

फावखुंगुरफोरनि फाव खालामनाय नुनो मोनगोन। □ सैडफुल एकमआ बक्स अफिसआव गोबां रां आर्जिगासिनो दड



भारतारि रौनियानि गिबिसिन फील्ड मार्शलमोन। फाव खालामनायनि बेलायाव बे सावथुननि गेजेरजों भिककीआ फिन खेबसेबाव फोरमान

सैडफुल एकमआ बक्स अफिसआव गोबां रां आर्जिगासिनो दड

जाफुंसारनायाव मख'जाथाव बिहोमा होदों। बेबादि थासारियाव 15थि सानाव साम बाहादुरनि बक्स अफिस बुथुमनायखौ नोजोर होयोबा सनिल्कनि अनुमान खालामनाय अनजिमानि सायाव बिथा खालामनाय, सावथुना शुक्रबारखालि 2.25 कौटि रांखौ बक्स अफिसआ बुथुमदोंमोन। सावथुननि बे आर्जिनाया बृहस्पतिवारनि रुजुनायाव जोबोद बांसिन मानोनो 14 दिसेम्बराव 'साम बाहादुर' आ 1.65 कौटिनि फालांगि खालामदों। बेजों लोगोसे, भिककी कौशलनि

खालामबायदि, बिथांखौ दारिमिननि रोंग'थि गोनां महरगिरि बुंनाय जायो। फावखुंगुरनि सोमोनांथाव फाव खालामनाया बे सावथुननि

सावथुननि गासै खामायनायाबो बांदों। 'साम बाहादुर' आ ओरैबायदि मोनसे सावथुन जाय नोंथानि गेजेराव हादर अनफावरि सानस्त्रि सोमजिहोयो। साम मानेकशआ गावनि साहसजों सुथुर हादरनि सानथांथिखौ माबोरै सिफायदोंमोन बेनि फोरमान, नोंथाड बेखौ भिककी कौशलनि बे सावथुनाव नुनो मोनगोन। मख'नो गोनांदि साम बाहादुरनि गासै बक्स अफिस बुथुमनाया 68.85 कौटिसिम सौहैबाय आरो थाबैनो सावथुनाबो 70 कौटिनि खाथियाव सौहैगोन। □

राहुल गान्धीया हार्भाई इउनिभासिदिनि फरायसाफोरजों सावरायदों

गोदान दिल्ली, 16 डिसेम्बर : कंग्रेसनि बाराग' आफादगिरि राहुल गान्धीया शुक्रबारखालि हार्भाई इउनिभासिदिनि फरायसाफोरनि मोनसे हान्जाजों सावरायदों आरो बे बाश्रानि सायाव गोखों नोजोर होनाय जादोंदि, साफ्रोमबो भारतीय फरायसाखों मुलुगनां थान्दै जानो थाखाय गोनांथार मोन्दांथि आरो खाबु मोन्नायखों रोखा खालामनो थाखाय जुजिथासंगोन। फरायसाफोरजों सावरायनायनि उनाव राहुल गान्धीया एक्सआव मोनसे पस्ट होनाये बुंदोंदि, फरायसाफोरा भारतनि बागै गोबां आयदाफोरखों लानां थु लुंगाखा'दों मोन। सुबुंखांथियारि राजखान्थिनि थाखाय सेलेन्सफोर, चीनआ सोमजिखां होनाय हा सा राजखान्थियारि सेलेन्सफोर आरो



एआइबायदि गोदान टेक्नलजिनि आयदाफोरानो गाहाइ। हार्भाई इउनिभासिदिनि फरायसाफोरजों कंग्रेसनि दैदेनगिरिया शुक्रबारखालि दिल्लीयाव लोगो हमदों। कंग्रेसनि बाराग' आफादगिरि राहुल गान्धीया फरायसाफोरजों गावनि सावरायनायनि सावगारिफोरखोंबो शोयार

खालामदों। बिथाड बुंदोंदि, गुबुनफोरनि बाश्राखों खोनासनायनि गोहो आरो भारतनि डार्सनिक आरो धोरोमारि आसार-खान्थिफोरनि सायाव बिथाडा गावनि सान्नाय-हनायखों रोखा खालामदों। फरायसाफोरनि गोखों मिजि, गावनि सायाव फोथायनायजों आबुं नाजानाय सिमांफोरखों

खोनासनायने साफ्रोमबो भारतीय फरायसाफोर मुलुगनाडे गावनि रंग'थिखों दिन्थिहेनो थाखाय समान खाबु मोनहोनायनि जुजिनाय आरो गोखों नाजानांगौआ बांसिन जानानै फेदों होनाबो बिथाड बुडे। मख'नो नायबिजिरदों अब्ला साफ्रोमबो सोमोनांदों। मख'नो गोनांदि, सान्थिफोरा जाय सा 3 सुबुंफोरखों सुथुर सान्नाय गुलि गावदोंमोन, बिसोरो इज्राइलनिनो नोगोरारिमोन। बेनि उनाव सान्थिफोरा सा 3 निबो नख'रफोरनियाव निमाहा बिनाय

इज्राइल, 16 डिसेम्बर: इज्राइल आरो हामासनि गेजेराव थांनाय माखासे साननिफ्राय दावहाया सोलिदों। बे दावहानि जाहोनाव रोजा-रोजा सुबुंफोरा थैखांबाय आरो लाख-लाख सुबुंफोरा गोमादों। बे समाव इज्राइलनि सान्थिफोरनि फारसेनिफ्राय शुक्रबारखालि गिदिर गोरोन्थि जादों। मख'नो गोनांदि, गावनि नोगोरारिफोरखों नागिरनायाव नांथाबनाय सान्थि हान्जाया हासा बाहागोआव नायबिजिरनाय समाव सा 3 सुबुंफोरखों बुथारदों। सान्थिफोर बिसोरखों गावसोरनि सुथुर आरो बिसोरो खैफेद सोमजिहोने हागौ होना हमदांदोंमोन। नाथाय जेब्ला बिसोर सा 3 सुबुंफोरनि गोथै सह'खों नायबिजिरदों अब्ला साफ्रोमबो सोमोनांदों। मख'नो गोनांदि, सान्थिफोरा जाय सा 3 सुबुंफोरखों सुथुर सान्नाय गुलि गावदोंमोन, बिसोरो इज्राइलनिनो नोगोरारिमोन। बेनि उनाव सान्थिफोरा सा 3 निबो नख'रफोरनियाव निमाहा बिनाय



गावसोरनि गोरोन्थिखों गनायो। बेजों लोगोसेनो नख'रनि गनायथिनायनि उनाव सा 3 निबो थैनायनि खौरांखों फोसावो। सान्थिफोरा फोरमायदोंदि, शेजेयाआव दावहा नांनाय समाव एबा 7 अक्टबरखालि यतम हेमखों हामास उतखारि फसंथानआ किबुत्ज कफर अजानिफ्राय खावनानै लांदोंमोन। फारसेथि नैथि नोगोरारि सभिर तलाल्काखोंबो 7 अक्टबरखालि नो हामास

उतखारि फसंथानआ किबुत्ज निर अमनिफ्राय खावनानै लांदोंमोन। बेनि अनगायै नोगोरारि अल'न शमरिजखोंबो 7 अक्टबरखालि नो खावनानै लांदोंमोन। बे जाब्रबथाइनि उनाव आइडिफआ थाबैनो जाथाइनि सायाव नायबिजिरनायखों जागायो। आइडिफआ बे बाश्रानि सायाव नारसिनाय होदोंदि, बेयो मोनसे सांग्रां दावहा नांग्रा ओन्सोल, जेराव थांनाय माखासे सानफोरनिफ्राय लांथिथै दावहा

सोलिदों। जाथायजों सोलेंथाइ होनाय जादों आरो इयुनआव बेबायदि जायैनि थाखाय गासैबो गोनांथार सांग्रांथिफोरखों लानाय जागोन। फारसेथि आरोबाव गुबुन मोनसे बिबुंथियाव सान्थिफोरा बुंदोंदि, गावसोर थैनायफोरनि नख'रनि फारसे दुखु मोन्दों। बिबुंथियाव बुंवावदोंदि, गावसोरनि थांथिआ गोमानाय सुबुंफोरखों नागिरनाय आरो साफ्रोमबो बे'खनआव लाजानाय सुबुंफोरखों न'आव लाबोफिनाय।

सनानि बेसेनफोरा रेकर्ड गोनां थासारियाव सौहैदों



गोदान दिल्ली, 16 डिसेम्बर : 2023 आ सनानि थाखाय गोबां जर'खा जादों। बे बोसोरनि जागायजेन्नायनिफ्रायनो गुबुन एसेट क्लासनि रुजुनायाव सनानि बेसेनाव बांनायखों नुनो मोन्दों। दासिमाव सनानिफ्राय 13 जौखेन्दो रेयान मोनफिनाय जाखांबाय। सनानि बेसेनाव गोखेंथिखों नख'रिजों लोगोसे मुलुगनां थाखोयाव नुनो मोन्दों आरो सनानि बेसेना बे समाव

गोजौ थाखोयाव सौहैदों। नख'रि थारि थारि सायाव बाश्रा सावरायोब्ला, भारतीय बुलियन ज्वेलास एशसियेशननि बायदिब्ला, 24 केरेट सनानि बेसेना 10 ग्रामआव 62,370 रं जादोंमोन। 22 केरेट सेनानि बेसेना 10 ग्रामआव 60,870 रं, 20 केरेट सनानि बेसेना 10 ग्रामआव 55,510 रं, 18 केरेट सनानि बेसेना 10 ग्रामआव 50,520 रं आरो 10 ग्राम 14

केरेट सनानि बेसेना 40,230 रं जादोंमोन। 2023 आव हारिमायारि थाखोयावबो सनानि बेसेनाव बांनायखों नुनो मोन्दों। बेयो गावनि रेकर्ड थाखोयाव 2081 डलारखों नागरानानै मोनफ्रोम अन्सआव 2148 डलारआव सौहैदों। सनानि बेसेना बे बोसोरनि जागायजेन्नायाव इउएए बैंकिं क्राइसिसजों लोगोसे जादों। जाय इन्भेस्टरफोरखों सनानि फारसे गोसो बोनो हादों आरो सना बायनायखों नुनो मोन्दों। बोसोरनि जागायजेन्नायाव गोबां दावखोनायनि उनाव सनानि बेसेनफोराव नैथि आरो थामथि दानफोराव बाडइ जानायखों नुनो मोनफिन्दोंमोन, नाथाय इज्राइल आरो हामास दावहानि जाहोनाव मुलुगनाडे दिदोमथि गैथै बांनायनि जाहोनाव सनानि बेसेनखोंबो बांनाय नुनो मोन्दों।

इउएनएससिया तालिबाननि सायाव होबथानायखों बारायबाय

निउयर्क, 16 डिसेम्बर : इउएन रैखाथि परिसद (इउएनएससि) आ तालिबान खुंथाइनि हेंथायै होबथानाय नोजोर लाखिग्रा हान्जानि मिशनखों आरोबाव से बोसोरसिम बारायना होबाय। इउएनएससिनि सोद्रोमा हादतफोरा थांनाय बृहस्पतियाव मोनसे जथुमा खालामनायनि गेजेरजों बिथांथि 2716 खों गनायथि होदों। बेयाव होबथानाय नोजोर लाखिग्रा हान्जानिफ्राय बिथांथि 1988 नि गेजेरजों गाइसन्नाय समिटिखों हेफाजाब खालामनोबो खावलायनाय जादों। बे समाव इउएनआव आमेरिकानि थाय्दैया तालिबाननि हेंथायै होबथानायफोरखों सोलि होलां नायखोंनो



आफगानिस्तानआव गोजोन आरो रैखाथिनि थाखाय थि थांथि होना गनायदों। मख'जाथावदि, आफगानिस्तानआव तालिबान सरकार फैनायनि उनाव गोबां हादतफोरा बिसोरखों गनायना लायाखें आरो गोखें होबथानाय थांथि लानानै होबथानानैबो दोन्दों। अदेबानि तालिबानआ गले गले मुलुगनाडे नि हादतफोरखों गावसोरनि सायाव होबथानायखों बोखारनो थाखाय दाबिबो खालामबोदों। नाथाय

आफगानिस्तानआव तालिबानआ आइजोफोरनि सायाव फारागथि दिन्थिनाय आरो मोनसे समांथि नडै सरकार खुंनायखों नोजोर होनायै रैखाथि परिसदआ तालिबाननि सायाव गावसोरनि होबथानायखों

फोलावबावनो फिन थांथि लायो। बेरा फारसेथि तालिबाननि हेंथायै होबथानायफोरखों अजद होनायनि गेजेरवनो चीन आरो रासियाआ होबथानायफोरखों नायबिजिरनांगीनि बाश्रा बुंदों। लोगोसेनो चीन आरो रासियाआ रैखाथि परिसदनि नोजोर लाखिग्रा हान्जानि खामानिखों सोलिहोलांनो थाखाय लानाय थांथियाव बिट खालामाखें एबा बाहागो लायाखें। इउएन रैखाथि परिसदनि नोजोर लाखिग्रा हान्जाया आफगानिस्तानआव बै सुबुंफोर हान्जाफोर, कम्पनिफोर आरो फसंथानफोरनि सायाव बेन लागायो, जाय तालिबान खुंथाइनि बाहागो एबा बेजों लोब्बा थानाय।

'आमेरिकाया फ्लु बेरामनि जेंनाजों मोगा-मोगि जानांदों

वाशिंठन, 16 डिसेम्बर: सुपार पावार आमेरिकाया फ्लु बेरामनि जिउसानिफ्राय रैखाथि मोनाखें। आमेरिकाया गावनि लेबरेटरीफोराव गासैबो गिखंथाव जिबआरि आरो रासायनारि हाथियार बानायदों। बेबायदिनो करना महामारिनि जिउसायाबो गोहोगोरा आमेरिकाखों जिगायाव खोखलैदोंमोन। देहा फाहामगिरिफोरा, मावफारियाफोर आरो बेनि जौगानाय देहा फाहामारि बिजिरसं सुबुं अनजिमानि बायदिथै गुबुन लाहार-फाहार खालामनायनि उनावबो आमेरिकायाव करना बेरामजों 10 लाखनिबो बांसिन सुबुंफोरा थैदोंमोन। बेनि गेजेराव आमेरिकाया 2023 आवबो दासिम फ्लुजों खमैबो सा 2300 सुबुंफोरनि जिउ ख'हा जानायनि खौरां होदों। इउ.एस. सेन्टार फर डिजिज कन्ट्रोल एन्ड प्रिभेन्सन (सी.डी.सी.) आ शुक्रबारव माखासे अनजिमा फोसावदोंमोन। गोदान रिपर्टनि बायदिब्ला, फ्लुजों रोजा रोजा सुबुंनि जिउ ख'हा जाबाय। सिन्हुआ खौरां एजेन्सिआ



सी.डी.सी. नि सप्ताहयारि सावरायनाय खों फोरमायथिदोंमोनदि, हादरनि बांसिन बाहागोफोराव बोथोरारि इन्फ्लुएन्जा गोसारनाया बांदों। हादरनि खोला-सान्जा, खोला-मिरुआरि आरो सोनाब बोरिमा ओनसोलफोराव बयनिखुइ बांसिन खामानि मावनायनि खौरां मोन्नाय जादों। रिपर्टनि बायदिब्ला थांनाय माखासे सानफोराव सप्ताहयारि फ्लु देहा फाहामसालियाव थिसनजानायनि अनजिमाया गोबां बांदों। सी.डी.सी.नि बायदिब्ला, 9 दिसेम्बरआव जोबनाय सप्ताहनि गेजेराव इन्फ्लुएन्जाजों सोमोन्दो थानाय

सानै गथ'फोरनि थैनायखों रोखा खालामनाय जादोंमोन। बेनि जाहोनाव 2023-2024 मायथाइनि बोथोराव गासै सा 14 गथ'साफोर थैदोंमोन। बेफोरबायदि जाथायफोराव दुखुनांथाव थासारिखों फोजोबनो थाखाय सी.डी.सी.आ रायजो राजाफोरखों खावलायदोंदि, 6 दान आरो बेनि बांसिन बैसोनि साफ्रोमखोंबो थाबैनो बोसोरारि फ्लु टिका लाहोनांगौ। आमेरिका नि देहा फाहामगिरिफोरा बुडेदि, बेफोरबायदि लैखोनफोरखों गाव हारसिडैनो फाहामनायनि अनगायै बेरामिआ थाबैनो

हामफिननो हायो। बेजों लोगोसे एजेन्सिआ करना महामारिनि प्रटकलखों फालिनायजों लोगोसे मास्क गान्ने बोसोन होदों।

इज्राइल, 16 डिसेम्बर : इज्राइल-हामास दावहायाव सोमोनांथाव खौराड सोराडव फेदों। खोला गाजानि गंसे स्कुलआव इज्राइलनि गिखंथाव ड्रन गाग्लोबनायाव अलजजिरानि सासे केमेरामेनआ थैदों, जेराव बिनि लोगो खौरांगिरिया गोब्राब महरै जोखोम जायो। गाग्लोबनाय समाव सानैबो स्कुल खाथियावनो दडमोन। खौरांगिरिया गावनि जोबथा सावगारिखों केमेरायाव सेबखंदों। रिपर्टनि बायदिब्ला जोखोम जानाय केमेरामेनआ बायखोन्दा थुखाफोराव गोदोना दडमोन। बियो गोबाव समसिम मदतनि थाखाय हास्थायाव



थादोंमोन। नाथाय थि समाव जेबो मदत मोने आरो थैया बांसिनै गनायजों बियो थैयो। खोला गाजायाव इज्राइलआ शुक्रबारखालि गंसे स्कुलआव गाग्लोबदोंमोन। बे गाग्लोबनायाव टिथि नेटवार्क अल जजिरानि फिलिस्ताइनि केमेरामेनआ थैदों। गाग्लोबनाय समाव गाजायाव रिपर्टि

खालामग्रा बिनि गाहाइ खौरांगिरिया जोखोम जायो होना टिथि नेटवार्कनो बे खौरांखों होदों। नेटवार्कआ फोरमायदोंदि, केमेरामेन सभिर आबुदक्का आरो खौरांगिरि वाएल दहदोहआ खोला सहर खान इजिसनि गंसे स्कुलआव गाग्लोबनायनि उनाव बेवहाय थांदोंमोन आरो जेब्ला बिसोरो

नासाआ अख्रामानि सलार प्लेयारनि सावगारि शेयार खालामदों

गोदान दिल्ली, 16 डिसेम्बर: नासानि टेलिस्कोपआ साननि अरखि एबा सलार प्लेयारनि सावगारि सेबखंदों। बिगियानगिरिफोरा बुंदों, बेयो 2017 नि उननिफ्राय बयनिखुइबो देरसिन सलार प्लेयार। बृहस्पतिबारआव सलार प्लेयारनि जाहोनाव बुहुमनि गोबां बाहागोआव 2 घन्टासिम रेडिअ टेलिकमआ हेंथा जादों। अख्रामा बोथोर हमदांग्रा मिरुआ बुंदों, माखासे पायलटफोरा टेलिकमआव हेंथा जानायनि खौरां होदों। बिगियानगिरिआ सान स्पट एरियाखों नोजोर लाखिनानै साननिफ्राय प्लाज्मानि जानो हाथाव बेरफुनायखों नायबिजिरदों। अख्रामा बोथोर हमदांग्रा मिरुआ मिथिहोनाय बादिब्ला, बेरफुनाया साननि सा-सोनाब बाहागोआव जादों। नासानि सलार डायनेमिक्स अब्जार्भेट्रिआ रोजा फान्थाव गाब

नासानि सलार प्लेयारनि सावगारि सेबखंदों। बेखों 2010 आव लन्व खालामनाय जादोंमोन।

नासानि सलार प्लेयारनि सावगारि सेबखंदों। बेखों 2010 आव लन्व खालामनाय जादोंमोन।



सोराडव बे हाबाफारिनि सावगारि सेबखंदों। बेखों 2010 आव लन्व खालामनाय जादोंमोन।

सोराडव बे हाबाफारिनि सावगारि सेबखंदों। बेखों 2010 आव लन्व खालामनाय जादोंमोन।

आइसिसि सेम्पियन्स ट्रफी 2025 आ पाकिस्तानआव खुंजागोन

गोदान दिल्ली, 16 डिसेम्बर: आइसिसि दुर्नामेन्टआ बोसोरफोमबो खुंजायो। बेबादिनो 2025 नि सेम्पियन्स ट्रफीखौ पाकिस्तानआ दैदेनगोन। दर 8 हादरफोरनि गेजेराव खुंजानो गोनां बे दुर्नामेन्टखौ पाकिस्तानआ मोजाडे खुंफुंनो नाजागोन। जेराव बे टीमआ थानाय खेबआव गेलेनाय सेम्पियन्स ट्रफीनि बिमुंबो देरहादोंमोन। 2017 आव जोबथा खेब सेम्पियन्स ट्रफीखौ इंग्लेण्डआव खुनाय जादोंमोन। नाथाय थानाय माखासे सानफोरनि गेजेराव सेम्पियन्स ट्रफीखौ पाकिस्ताननि सोलायै गुबुन हादरआव खुंफुंगोननि खौराड सोराडव फेदोंमोन। नाथाय बे आयदानि सायाव पाकिस्तान क्रिकेट बर्डनिफ्राय मोनसे आपडेट होफिन्दों। पाकिस्तान बर्डआ फोरमायनाय बादिब्ला, गावसोरनिफ्राय दुबाइआव आइसिसिजों 2025 सेम्पियन्स ट्रफीनि थाखाय दैदेन्यायनि



रदायाव मुंसाइदों। बे दुर्नामेन्टनि मुंसाइ बिलाइआव आश्राफआ साइन होदों। मानोना बिथाडनो सोलिफु समाव पिसिबि केसखौ दैदेन्या क्रिकेट बर्ड कमिटीनि आफादगिरि जानानै दडा। मोनसे फोसावलाइयाव पाकिस्तान क्रिकेट बर्डआ आइसिसिनि गाहाइ मावख'आव मोनसे हाबाफारिनि गेजेरजों पिसिबि मेनेजमेन्ट कमिटीनि आफादगिरि जका आश्राफजों जुथायै आइसिसि जेनेरेल कार्डिनल जनानत हलनि गेजेराव मुंसाइनायखौ

मिथिहोदों। पाकिस्तानआ जोबथा खेब आइसिसि दुर्नामेन्टनि बे इभेन्टखौ 1996 आव दैदेनदोंमोन। बै समाव पाकिस्तानआ भारत आरो श्रीलंकाजों जुथायै वन्डे वर्ल्ड कापखौ दैदेनो खाबु मोन्दोंमोन। पाकिस्ताननि बे दैदेन्यायाव भारतआ जेना मोन्दोंमोन हागौ। मानोना भारतनि क्रिकेट टीमआ 2008 निफ्रायनो पाकिस्तानसिम

दावबायाखै। मानोना भारतीय टीमखौ सरकारनिफ्राय थानायनि गनायथि होबोयाखै। थानाय माखासे बोसोरव दरनै हादरनि गेजेराव राजखान्थियारि गात्रि सोमोन्दोंनि थाखाय सरकारआ बे थांखिखौ लादों। सोलिफु बोसोरव जालानाय एसिया कापआबो पाकिस्ताननि आखाइयाववो गोल्लैदोंमोन। नाथाय भारतीय टीमनि नरसिन्थयाव दुर्नामेन्टखौ हाइब्रिड मडेलआव खुंफुंन्याय जादोंमोन। सेम्पियन्स ट्रफीआ खुंफुंजानो से खावसे बोसोर दंबोयो। भारतआ बे खेबआवबो पाकिस्तानसिम दावबायनो नेवसिगारोब्ला आइसिसि आरो पिसिबि मोननैनि गेजेराव खाह जागोननि मिजिथि लादों। बेबादि थासासिआव बिसिसिआइ आरो आइसिसिनि गेजेराव बे आयदाखौ लानानै सावरयज्जायनो हागौ।

खेल रत्न बान्थानि रेसनिफ्राय जानगाराव थानायनि

जाउनाव ज्यति सुरेखाआ जिंगायाव गोल्लैदों

गोदान दिल्ली, 16 डिसेम्बर: मुलुगनि नम्बर 1 कन्पाउड आसारि भारतनि ज्यति सुरेखा भेन्मआ आथिखालाव मुलुगनाडैनो मिथिसार जायो। बिथाड थानाय माखासे साननि सिगांसो जोबनानै फेनाय एसियाव गेम्सआव मोजाडे दिन्थिफुदोंमोन। नाथाय बेनि जाउनावबो सोलिफु बोसोरनि मेजर ध्यानचान्द खेल रत्न बान्थानि थाखाय बिथाडा नोजोरव गोल्लैयाखै। जायनि सायाव सुरेखाया दुखु मोन्याय फोरमायनानै बे आयदाखौ लानानै बिजिसिसिआव थानोबो हुमखि होदों। सुरेखाआ थानाय 6 दाननि गेजेराव गासै गं 13 इन्टरनेसनेल मेडेल देरहादों। जायनि



फारिआव एसियाव गेम्सआव देरहानाय गंथाम सनानि मेडेलआवो दंफायो। खेल रत्न बान्थानि थाखाय जाय पइन्टखौ मोनो बेनि फारिआव सुरेखाआ गुबुन बिनाइसाफोरनिफ्राय जौसिनआव दडा। सुरेखाआ

148.74 पइन्ट आर्जिन्यायनि जाउनाव बे बान्थानि थाखाय दाबि दैखादोंब्लाबो नोजोरव गोल्लैयाखै। खेल रत्न बान्थानि थाखाय गावनि मुं फेनैथि जाउनाव बिथाडा गेलेमु मावख' आरो साइनिसिम रोखा फिन्नाय

वर्ल्ड काप सेम्पियन स्पेनआ फिफा रेंकिंआव गिबि नम्बरआव सौहैदों



पेरिस, 16 डिसेम्बर: अमेन वर्ल्ड कापनि सेम्पियन स्पेननि फुटबल टीमआ इउफा नेसन्स लीगनि जोबथा 4 आव सौहैन्यायनि उनाव गोदानै फोसावनाय फिफा रेंकिंआव मोनसे मासिनि मुलाम्फाजों टय नम्बरआव सौहैनो हादों। गुबुन फारसै सुइडेननि टीमआ अमेन वर्ल्ड कापनि उनाव थानाय

आगस्ट दाननिफ्राय फिफा रेंकिंआव गिबियाव जायगा मोन्दोंब्लाबो बे खेबआव दावखलायनानै 5 थि नम्बरआव सौहैदों। स्पेनआ सोलिफु दानआववो नेसन्स लीगआव गावसोरनि गुपआव गिबि नम्बरआव जायगा आवगिदोंमोन। मोनबू टीमफोरनि बे गुपआव

सुइडेनआ थामथि नम्बरआव जायगा मोन्दोंमोन। स्पेनआ गिबि खेब आइजो फुटबलनि फोथारआव गिबि नम्बरआव सौहैदोंमोन। बे टीमआ आमेरिका, फ्रान्स आरो वर्ल्ड कापनि रानार्सआप इंग्लेण्डनि टीमखौ गाखलायनानै गिबि मासिआव सौहैदों। फिफानिफ्राय फोसावनाय बादिब्ला, मोन 2011 सोद्रोमाफोरनि गेजेराव फोसावनाय बे रेंकिंआव गासै 192 टीमफोराल' जायगा मोन्दों। जायनि फारिआव भारतीय आइजोफोरनि टीमआ मोनबू मासिनि खहाजों दावखलायनानै 65 थि नम्बरआव सौहैदों।

फिफानि मददआव इरानआव आइजो फेन्सआ रेहाय मोन्दों

पेरिस, 16 डिसेम्बर: इरानआव आइजोफोरनि फुटबलखौ मोजां मोनग्रा केम्पेइनआव थाबोनाया फिन जाफु'सारनाय मोनबोगासिनो दडा। ससेल मिडियाआव गोसारनाय मोनसे भाइरेल भिडिआव साथाम आइजो पेन्सफोरखौ तेहराननि फ्रीडम स्टेडियमआव पारस'पलिस आरो एसस्तेखलालनि गेजेराव जानाय मेचनि समाव नुनो मोन्दों। बे

मेचनि थाखाय आइजोफोरनि थाखाय 3000 टिकेटफोरखौ जगायनानै होनाय जादोंमोन। बिसोर नायगिरिफोरनि मेचआव सौहैन्याय गिबि खेब नडा। मानोना बोसोरखै सिगां 2019 नि अक्टबर दानआव तेहरानआव थानाय बे स्टेडियमआववो इरान आरो कलम्बियायनि गेजेराव जानाय वर्ल्ड काप 2022 नि क्वालिफिकेसन मेचआव आइजो गेलैगिरिफोरखौबो

नायहैनो मोन्यायनि गनायथि होदोंमोन। आइजोफोरनि थाखाय बिबानगिरिफोरनि नोजोर लाखिनाय गुपआ बे परस्टखौ शेयार खालामदोंमोन। जेराव बे बाहागो लाहैन्याय इरानआव आइजो बिबानगिरिफोरनि थाखाय मोनसे जारिमिनारि सान जानानै फेदों। 1979 आव इस्लामिक खुंथायनि उनिफ्राय आइजो फेन्सफोरखौ होवाफोरनि फुटबल टीमफोरनि मेसआव



नायनायनि गनायथि माखासे बोसोरनि गेजेराव होबोयाखैमोन। नाथाय थानाय माखासे आइजोफोरा

सेलेन्जजों बै फुटबल मेचफोराव नायनो स्टेडियमसिम सौहैदों। फिफानि आफादगिरि जियनी इन्फेन्टि'आ तेहरानआव थानाय बे स्टेडियमआव 2018 एसियाव सेम्पियन्स लीगआव आइजोफोरखौ स्टेडियमआव हाबनो गनायथि होदोंमोन। बे समाव बिथाडा हादरफोरनि गेजेराव बेबादि दाडाबाजि जानो मोना होन्नानै सावरयलायदोंमोन।

गेजेराव बे आयदाखौ लानानै सावरयनायखौ फोसावदोंमोन। फिफानि आफादगिरि आरो इराननि आफादगिरि इब्राहिम रेसिनि गेजेराव 3 बोसोर सिगां जानाय निउयर्कनि जथुमआव माखासे खोथा होज्जलायदोंमोन। जायनि उनाव फिफानि सोद्रोमा हादरफोरनि गेजेराव बेबादि दाडाबाजि जानो मोना होन्नानै सावरयलायदोंमोन।

गोदान दिल्ली, 16 डिसेम्बर: भारतीय आइजो क्रिकेट टीम आरो इंग्लेण्डनि आइजो टीमनि गेजेराव खेबसेल' टेस्ट मेच गेलेनाया जोबनानै थांबाय। बे दुर्नामेन्टनि थामथि सानआव भारतआ इंग्लेण्डनि टीमखौ 347 रानजों फेजन्दों। जायनि फारिआव भारतनि दिपटि शर्माआ गोबां बिहोमा होनो हादों। बे समाव दिपटिआ भारतनि थाखाय अल राउन्ड दिन्थिफुदों आरो भारतखौ जारिमिनारि महरै देरहाहोदों। हरमनग्रीट कौरनि दैदेन्यायाव भारतआ जारिमिनारि देरहानाय समाव डुडिवाइ पाटिल स्पर्ट्स एकाडेमिआव गावसोरनि मुं लाखिदों। हिटार नाइटनि दैदेन्यायाव गावसोरनि नख'राववो भारतआ इंग्लेण्डनि हेंथायै गिबि टेस्ट देरहानो हादों। इंग्लेण्डआ बेनि सिगां खेबथाम गुबुन गुबुन दावबायनाय फारियै




1995-96, 2001-02 आरो 2005-06 आव भारतयारि फोथारआव खेब 5 टेस्ट मेचआव बाहागो लादोंमोन। बे समाव आलासि टीमआ 1995-96 नि समाव खेबथाम मेचनि टेस्ट सिरिजखौ 1-0 आव देरहाहोदोंमोन आरो गुबुन खेबनै सिरिजआ इ'आव थुंगेदोंमोन। मेचनि बाथा बुडोब्ला भारतआ गावसोरनि नैथि इन्सिआव 6 उडकेटनि

खहाजों 186 रान लानानै गावसोरनि इन्सिखौ फोजोबदोंमोन आरो इंग्लेण्डनि हेंथायै टार्गेटखौ होसोनायनि थाखाय 479 गिदिरि रान होदोंमोन। नाथाय बे टार्गेटनि बेटिआव इंग्लेण्डनि बेटसमेनफोर 131 रानल' लानो हादों। दिपटि शर्माआ गिबि इन्सिआव बलिंजों भारतनि स्टार जानो हादोंमोन। बिथाडा नैथि इन्सिआव इंग्लेण्डनि बेटसमेनफोरखौ जे'नायाव खोख्लैदों। दिपटिआ बे समाव 38 रान होनानै गासै 9 उडकेट लादों आरो गावसोरनि

दावबायनायखौ देरहानायजों फोजोबदों। बिथाडा गिबि इन्सिआव 67 रान लानानै भारतनि 428 स्करआव बिहोमा होदोंमोन। जायनि थाखाय बिथाडा प्लेयार अफ दा मेच सायख'जादोंमोन। बिथानि अनगायै फुजा भस्ट्रकार आरो राजेश्वरि गायकवाडआबो नैथि इन्सिआव मोजाडे बलिं खालामदों। बे खेबआव भारतआ फे'गौ 21 डिसेम्बरनिफ्राय मुम्बाइनि वावखेडे स्टेडियमआव अस्ट्रेलियायनि हेंथायै नख'रारि फोथारआव आरोबाव टेस्ट मेच गेलेगोन।

रेबेका वेल्सआ प्रिमियार लीगनि गिबि आइजो रेफारि जासिगोन



लन्डन, 16 डिसेम्बर: इंग्लिस प्रिमियार लीग (इपिएल) आव रेबेका वेल्सआ गिबि आइजो रेफारि जासिगोन। बिथाडा फेगौ 23 डिसेम्बरखालि फुल्हाम आरो बार्नलेनि गेजेराव जानो गोनां मेचआव गिबियै गावनि बिबानखौ सामलायगोन। वेल्सआ बे लीगआव मेचनि ब्रैथि बिबानगिरि महरै सायख'जाबाय। जाय थानाय 4 नभेम्बरखालि फुल्हाम आरो मन्वेस्टर इन्डाइटेडनि गेजेराव जालानाय मेचआवबो बिबान सामलायखांबाय। 2010 निफ्राय रेफारिनि फोथारआव बिहोमा होबोनाय रेबेखाआ नेसनेल हेल्थ सार्थिसजों सोमोन्दोआव दंबोयो। नाथाय आबुडै रेफारिनि बिबान सामलायनायनि सिगां बिथाडा गावनि बे हाबाजों लोगोसे बेलेन्सआव थाबोदोंमोन। गुबुन हादरफोरव सिगाडववो आइजो रेफारिआ बे बिबानखौ सामलायखांबाय। जार्मानीआव बिबियानाआ बुन्डेस लीगाआव रेफारि जानो हानाय गिबि आइजो जानो हानाय बादिनो फ्रान्सनि स्टेफिनी फ्रेपर्टआ थानाय बोसोरव होवाफोरनि वर्ल्ड कापआव जार्मानी आरो कस्टारिकानि गेजेराव जालानाय मेचआव बिबान सामलायदोंमोन। रेबेखाआ थानाय जानुवारि दानआव होवाफोरनि सेम्पियनसिप मेचआव रेफारि जानो हानाय गिबि आइजोबो जानो हादोंमोन। 2010 निफ्रायनो रेफारिनि फिल्डआव बिबान सामलायबोनाय बिथाडा आइजो सुपार लीग आरो आइजो सेम्पियन्स लीग मोननैयावबो आम्यायारि जाखांबाय। रेबेखाआ इफएलआव बिबान सामलायबाय आरो 2022 आव एफए कापआव रेफारि जानो हानाय गिबि आइजो जादोंमोन। रेबेखाआ अस्ट्रेलिया आरो निउजिलेण्डआव थानाय माखासे साननि सिगांसो जालानाय आइजो वर्ल्ड कापनि थाखाय रेफारि टीमआवबो सोद्रोमा महरै बिबानआव दडमोन। प्रिमियार लीगआ सेम एलिसनखौ 15 बोसोरनि थाखाय लीगनि गिबि बिबानगिरि रेफारि महरै बिबानआव थिसन्यायखौ फोसावदों। इलिसनखौ बक्सिं डेआव सेफिल्ड इन्डाइटेड आरो लिउटन टाउननि गेजेराव जानाय मेचनि समाव बिबानआव थिसन्यायखौ इलिसनखौ इंग्लेण्डनि टप लीगनि जोबथा बिबानगिरि महरै रेफारिआव दडमोन। बिथाडा 2009 आव गेलेनायनिफ्राय आजिय लादों।